

佛說五苦章句經

上
當


C40
4514
88



7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

C40-4514

丁翁坐請大藏及有
家書置武州華臺山
我欲登臨院廬中水
為學者者出院內
當山三世鐵牛被譯記



B 64853

佛說五苦章句經

一名淨除罪苦
娛樂佛法經

東晉三藏竺曇無蘭譯

世尊曰三界五道生死不絕凡有五苦何謂五苦一曰諸天苦二曰人道苦三曰畜生苦四曰餓鬼苦五曰地獄苦何謂諸天苦從第一天上至二十八天除中四阿那含天皆是持五戒守十善行四禪者得生其上無道慧意故有生老病死亦有不盡其天壽者隨其先世所作故壽命有短長諸天有二大災惡一曰命盡二曰劫盡劫盡有三因緣一曰大火二曰大風三曰大水命盡有七證一曰項中光滅二曰頭上

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

華萎三曰顏色爲變四曰衣上塵土五曰腋下汗出六曰身形損瘦七曰蠅著自然離於本坐遭水災時天水洪起齊十五天其中所有無不盡者遭風災時隨藍風四起吹須彌山及諸石山山相搏令如粉塵無不盡者遭火災時七日普出凝住不行燒炙天地皆如融金欲界所有其中皆盡最上四天雖壽八十億四千萬劫要皆當死屬八惡道是謂一苦二曰人道苦有百千種人實爲疲勞從奴婢下使乞兒賤人中間富貴上至帝王轉輪聖王皆有生老病死饑渴寒熱苦痛愁惱憂患災變或有兵賊牢獄刑戮火

燒水溺墮落墻廬磚石刀杖奔車逸馬怨家劫盜更相傷害其死萬端一切衆生未脫三界皆共存之是謂二苦三曰畜生苦蜎飛蠕動跂行端息飛鳥走獸上至象龍金翅鳥王皆是畜生亦有饑渴寒熱憂患勤苦强者伏弱更相噉食或有屠殺畋獵網羅以肉供人其變萬端不可具說是謂三苦四曰餓鬼苦有九種餓鬼第一輩者身長一由旬頸所咽處如一針孔行步之時支節骨解如五百車聲烟火焰出自相燒然若見流水往卽枯竭不得一咽或得一咽化爲膿血或爲糞屎或爲銅銷咽自然大熱爛下過無不

789101234567892012345678930123456

洞徹罪過未畢身自然復是皆先時爲人治生暴逆
恐怛迫惱不以道理慳貪獨食故受此殃是謂四苦
五曰地獄苦鐵城鏤湯劔樹刀山鐵柱銅銷膿血寒
冰糞屎鹹水竹葉火車爐炭火釘十六毒刺烏鵲狡
狗鶴鳥屈鳥其鳥喙葉純是鋼鐵飛入人口表裏洞
徹食人五臟東西南北無有避處苦毒罪獄凡有十
八諸受罪者不問尊卑隨惡輕重各自受之或有一
劫半劫畢者不能不翅者罪畢復生世間受諸餘殃
是謂五苦八惡處者一曰地獄二曰餓鬼三曰畜生
四曰邊地五曰長壽天六曰雖得人身盲聾瘡瘻手

足殘跛不能聽受七曰雖得人身六情完具世智辯
聰學世經典信邪倒見祠祀鬼妖屠殺畋獵肆心放
意欺僞萬端不信三尊從是沒身還入地獄從冥入
冥無有脫時雖得爲人復不信正法不信三尊誹謗
聖道八曰生佛故處是謂八惡亦謂八難三惡道者
是爲一切衆生之家暫得爲天暫得爲人譬如作客
作客日少歸家日多學者思之勉力精進可得脫苦
人身難得六情難具口辯難中才聰難致壽命難獲
明人難遭直信難有大心難發經法難聞如來難值
世間有樹名優曇鉢但有實無有華如來出世乃有

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

華耳已得人身六情完具口辯才聰壽命延長遭值
 明人發菩薩心直信不還具聞法經遇如來世此皆
 宿行履福德人從明入明尋如來跡累行不止會於
 道場無毀其根亡失前功一失道意動有劫數慎之
 慎之一切衆生常在長獄有十二重城圍之以三重
 棘籬籬之常有六拔刀賊伺之能於其中得脫出者
 甚難甚難何謂長獄謂三界也何謂十二重城謂十
 二因緣也何謂三重棘籬謂三毒也何謂六拔刀賊
 謂六情也已發道心當具禁戒四等大慈六波羅蜜
 安般守意三十七品諸禪三昧總持之門等一切法

意無高下無相無願出三脫門得三治法分別三向
 曉三達智無縛無解不求諸天人中之尊轉輪王位
 不動其心不畏罪苦不計有勞志在一切無所勞冀
 解三界空不習三有是謂得出三界知十二因緣所
 起所滅能斷癡本是謂得出十二重城知姪怒癡三
 埼無纏意不復著是謂得拔三重棘籬曉了六情皆
 無本末譬如芭蕉意不搏愛是謂得離六拔刀賊要
 當先解無我無人都無所作無所不作所作功德億
 劫不倦譬如鳥飛虛空無有足跡行無能見者不與
 罪事諸惡因緣大如毛髮是名發菩薩心者能度苦

7890123456789021234567890301234567890

厄居家爲牢獄妻色兒息財物珍寶爲是銀鑰杻械
恩愛癡著是爲重擔佛告諸弟子一切善男子善女
人汝已出家爲得離獄棄捐妻子爲得脫械如何不
能放捨重擔諸弟子曰我無所擔佛言汝作佛子著
吾我人貪身計壽是汝重擔專求供養畜積所有是
汝重擔同學不和友親重白衣是汝重擔自大種姓
貢高驕慢是汝重擔恃智憊愚輕邈他人是汝重擔
很戾自用不受人諫是汝重擔食無節度飲酒貪味
是汝重擔法服不具著俗衣裳是汝重擔外似如法
內懷諛謗是汝重擔不制六情毀戒犯惡是汝重擔

賦歛百姓興峙寺廟是汝重擔祠祀鬼母祈請福願
是汝重擔假託佛法呪術治病是汝重擔違負衆祐
犯四重禁是汝重擔棲息無恒不還廟房是汝重擔
不捨擔者後入地獄

佛言有大白象力壯移山壞地成澗拔樹碎石象力
無雙有人以髮絆繫其脚象爲之躯不能復動佛告
諸弟子當解此譬亦當忍之若有賢者居家爲道狀
世所有苦空非身常欲出身爲道辯家妻子當就明
師受持法服臨出之日妻子戀泣悲訴聲哀其辭辛
苦賢者覩之心爲悵然意卽迴變爲妻子所惑無復

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

出家之志是如髮繫象不能復動長受衰矣佛言一切壯無過心心是怨家常欺誤人心取地獄心取餓鬼心取畜生心取天人作形貌者皆心所爲能伏心爲道者其力最多與吾心鬪其劫無數今乃得佛獨步三界皆心所爲一切衆香莫過旃檀其香無量香價貴於闍浮檀金又療人病有人中毒頭痛體熱摩栴檀屑以塗其上若以服之病卽除愈一切衆生莫不願得有人大得栴檀香樹束薪賣之無有買者佛在世時所說法經令人得道無不度者般泥洹後十二部經留在世間動有卷數無有視者亦如栴檀束

薪賣之無買者也一切臭木無過伊蘭其臭毒惡人見惡之畏聞其氣伊蘭栴檀生有四輩何謂爲四一曰有栴檀樹伊蘭繞之二曰有伊蘭樹栴檀圍之三曰有栴檀栴檀自爲叢林四曰有伊蘭伊蘭以相圍繞何謂栴檀伊蘭繞之有家長者直信爲道妻子兒婦室內不從其教奉邪倒見祠祀鬼妖不從教令是謂栴檀爲主伊蘭繞之者也似謂伊蘭栴檀圍之有家長者信邪倒見祠祀鬼妖妻子兒婦室內大小直信三尊不失六齋布施爲德六度不廢長者呵止不從其教竊避爲之是謂伊蘭爲主栴檀圍之者也何

謂栴檀栴檀以爲叢林有家長者爲道家室眷屬皆隨其教不相違戾直信三尊心意和同是謂栴檀栴檀自爲叢林者也何謂伊蘭伊蘭自相圍繞有家長者信邪倒見具行十惡祀祀鬼闔門烹殺意同歡喜是謂伊蘭伊蘭自相圍繞者也此四輩因緣皆由宿命意行不同故令不和是以律經明曉因緣獲罪福事若祠祀家鬼鬼除殺生不與從事不食其飲食若入山澤見飛鳥走獸聚食終不驚怛斷其食味若見屠殺豬羊畋獵刑戮罪人不得看視當避捨之縱不得避當起大慈誓願僧那我得佛時使我刹中

食自然令無有此諸惡因緣昔者國王夫人付香不與屠者之妻生死作對因緣展轉相緣或罪緣福或福緣罪罪福之會有二栽果心以生想爲行種栽以有根蘖後受果報此屠者之妻爲罪緣福後相經歷輒當過生爲種苦本是以不與其香也曰夫父子夫婦兄弟家室知識奴婢有五因緣何謂爲五一曰怨家二曰債主三曰償債四曰本願五曰真友何謂怨家父子夫婦兄弟宗族又婢相殺是謂怨家何謂債主致財供給父母

78901012345678901234567890301234567890

爲家室善心歡喜

世宿命以道法因

精進志和是謂真友

緣何謂爲五一曰時節二曰身教三曰口言四曰一

味五曰和順何謂時節晝夜六時不失禮敬是謂時節何謂身教長者起時室內大小無不隨者是謂身教何謂口言長者欲有所作興福事時先報家中皆從其教是謂口言何謂一味衣食平等奴婢亦然是一謂一味何謂和順上下相從不相違戾是謂和順以是五福家中奴婢牛馬六畜蜎飛蠕動死皆生天其

有人家宿止經歷飛鳥走獸過其居屋者死皆亦生天用長者家合門之內能言之屬口誦法音經聲不絕其有聞音入耳中者無不歡喜心則是本是故生天亦是長者本願所致從無數劫來口言篤信不欺慢人不與諸惡共作因緣功德淳淑大僧那力故使其然天地境界遭三災時其中所有一切皆盡不及彼界大劫盡時一佛境界其中凡有百億須彌山百億鐵圍山一切皆盡不復佛國也如是十方諸佛國無極虛空無極生無原大千國土

7890101234567890201234567890301234567890401234567890501234567890601234567890701234567890801234567890901234567890

有始有終如來之

波羅蜜無底衆生

佛又說有四種生一曰卵生二曰胎生三曰濕生四
曰化生此分別說耳示語一切使知種類也說三界
五道衆生一切所有皆是化生故言一切如化如幻
如夢如影如響如水月形無有作者悉了此意乃可
爲道道亦如化一切無原無造無作無始無終新學
聞之其意驚疑諸驚疑者有三因緣一曰本功德少
二曰不得明師三曰不勤於經學自用意著於吾我
逐於名色貪求利養所行諛謗無有至信如是不能

近深法忍

夫空無所有無相無願是道之要慧道以虛爲上學
以無爲爲先此三句者不可爲新學人說聞無所有
便曠其心不復修戒無所罣礙於六德中事事懈廢
言一切空當何所作口但說空行在有中墮四顛倒
故言無功德菩薩不應使聞無所從生法忍夫善知
識欲教新學稍稍以漸教語魔事令護魔因緣生死
罪苦五道分明令信罪福事事了了乃可語道昔分
和檀王與佛搃智佛告王曰海水研墨斫樹爲筆寫
吾所知爲經若海水乾盡樹枝了索吾經不盡所以

爾者佛有三達之智來今往古靡不通焉佛經衆多以虛空爲量佛智弘深以無造爲原經中所演不可思議或有反覆難了難明麤以六事可知其意一曰正道二曰善權三曰至教四曰誘導五曰福德六曰禁戒何謂正道說無端緒無造無作虛無所有無所從生無行無得自然如也是曰正道何謂善權變化無方或出或處隨類而入與爲因緣時宜而說不合常句趨化度之是曰善權何謂至教指示罪福作是得是皆行所致無橫與者其事明白是謂至教何謂誘導開童蒙人有護有德增壽益算現世可護是曰

誘導何謂福德六度無極主治六情制守根門可得天人轉輪聖王長樂無窮是謂福德何謂禁戒守口攝意身不盜不殺不姪不欺奉孝不懈三惡趣苦不可久處是謂禁戒先了此意乃可爲道譬如捉網先攝其綱諸目乃正不曉持綱先理其目顛倒錯亂互相糾綆無有解已學亦如是不達其要聞經中說不解權宜不能分別便相譏時遂執所守與起恚意失本忘義毀正逐邪學者雷同追逐音響不相主正識真者少墮落滋多如此之輩徒戴學名曰四諦者一曰苦諦二曰集諦三曰盡諦四曰道諦一切衆生不

覺此苦以苦爲樂於罪苦中求欲得安賊賢僞說迷惑人心便言所作可現世得學者聞之莫不喜隨聞患至之言逆耳不受故言正道似反誰能受者復不知集知集者死死不敢復作復不知盡知盡者死死不敢復作復不知道知道者聞道便能爲道一切世間人作罪事易爲福事難一切學士作福事易爲道事難爲道事復易解道者難說道者易行之者難故言甚難甚難曰如來衆經禁戒律法凡有八萬四千卷爲一切之良藥唯治人身口意療人生老病死耳教衆生有二要何謂爲二者作是得是二者不作

是不得是如佛所說三界五道罪垢苦惱不離於作一切無橫非天授與亦非鬼神亦非帝王亦非父母亦非沙門梵志授與所作罪福如影隨形如響應聲不失如毛髮者也

佛言昔者爲閻羅王有弘普之慈諸墮地獄者王盡現之王曰汝等何爲是間罪人對曰我等死時不知行諸惡自然追逐送我來到是間願王哀我赦除罪過王曰汝等皆作何惡罪人對曰我等生時不孝父母殺盜姦欺飲酒鬪亂恃力強勢侵易善人誹謗聖道所作衆惡不可具說又信惡師祠祀鬼神謂當有

福烹殺三生禱賽神靈我今自首悔所作惡王曰汝等在世間時吾遣五使者案行天下告語汝曹何以不受其教諸罪人曰我等生時實不見不聞王曰諦聽當爲汝曹說五使者一曰世間母懷妊十月身爲之痛臨當產日父母怖危既得脫身從死得生乳哺懷抱推燥居濕逮得長大憂慮萬端汝見之不罪人曰見之王曰是吾一使者二曰世間老人顏色壞敗頭白齒落目瞑耳聾肉皺皮緩樞僂而行汝見之不罪人曰見之王曰是吾二使者三曰世間病人困劣著牀百痛普至美食爲惡汝見之不罪人曰見之

王曰是吾三使者四曰世間死人刀風斷脉拔其命根身體正直不滿十日肉壞血流脣脹臭爛無可取者生時相愛死皆相惡汝見之不罪人曰見之王曰是吾四使者五曰世間犯罪束縛送獄械鞭笞五毒並至戮之都市或截首火燒鉄鑽斬之梟拏五形汝見之不罪人曰見之王曰是吾五使者也王曰汝見是已當自思惟汝身亦更生更老更病更死汝犯五逆罪亦當如彼現受其殃汝何不孝順父母謙敬長老忠孝慈仁爲首心所不欲亦勿施人世有賢明當從啓受歸命三尊責心奉道節情止欲可得度苦

自汝所作今當受之吾不枉汝罪人白王我等生時
實但苦劇不暇得爲王告獄卒汝便將去到其劇處
獄卒名阿傍牛頭人手兩脚牛蹄力壯排山持剛鐵
叉又有三股一叉罪人數百千萬內於鏤中其鏤縱
廣等四十里自然制持令不墮落罪過未畢故令不
死從口至底百歲乃至從底至上亦復百歲是名劇
處諸罪人受罪更苦楚毒徧十八處中有罪畢當得
出者王復現之曰汝等今去或當爲人家作子生當
念孝順報父母恩曼年盛時當忍惡爲善篤信三尊
守戒奉道修諸功德莫復作惡還來至此夫地獄者

終不呼人善自思之諸罪人歡喜皆稱萬歲佛言諸
有聞法乍信乍不信狐疑進退還入邪者皆從地獄
來出受閻王教者信根淺少故令其然雖爾所作功德
終不唐捐佛之弘慈亦不遺忘但劫數彌之耳久
久亦當得度爾時佛告阿難受是經典持諷誦讀廣
爲人說疾令時達普使法澤流布來世阿難白佛言
唯當受之今斯經典所號云何云何奉行佛言阿難
是經名曰淨除罪蓋娛樂佛法一名授無思議光菩
薩道決當奉持之族姓子及族信女盡其形壽供養
如來隨時之宜從其所安若以天華如須彌山用散

佛上及以名香澤香雜香繒蓋幢旛謙敬貢上自歸作禮精進不懈不如族姓子族姓女受是經法奉持諷誦廣爲人說遵修法行如上所教功德福祐過彼供養巨億萬倍佛言阿難常當以法供養如來若欲奉敬無上大聖當受斯經持諷誦讀爲他人說及經法卷佛說如是無思議光菩薩賢者阿難一切衆會阿須倫世間人民聞佛所說莫不歡喜作禮而去天上福已盡墮爲牛領蟲譬如大田家收入甚大豐但食不復種穀盡亦饑窮食福亦如是福盡墮罪中人身甚難得

根具亦甚難 百劫復百劫 時乃得爲人
失戒離人本 但坐著因緣 不知狀足故
受苦如彌連 蜈蚣蠕動類 其神同一源
坐犯不與取 借貸無還心 受寄而直抵
持頭觸突人 展轉畜生中 其苦難屢陳
佛說餓鬼苦 但有饑渴患 東西求飲食
不聞水穀聲 軀體一由延 裸形髮繞身
但坐慳獨食 故墮黑繩城 鐵圍兩山間
展轉不相見 但聞叫呼聲 一切衆惡聚

88901234567890201234567890301234567890401234567890501234567890601234567890701234567890801234567890901234567890

苦痛傷人情 既得生爲人 當受身諸殃
 盲聾瘡痳痘瘻 跛躄不能行 雖有度世法
 不得聽受聞 長夜受苦痛 宛轉如車輪
 受身雖根具 端正辯聰明 邪見墮顛倒
 不信有佛經 或行屠網獵 酒樂著欲情
 没身見閻王 罪至乃怖驚 邊地無義理
 父子相咥汝 家室互相賣 屬人爲奴虜
 恒當給驅使 動靜如杖楚 雖得爲人形
 畜生共同侶 世間淳熟善 無有師法則
 當生長壽天 無形但有識 壽命雖延長

三塗爲隣側 後作𧔧𧔧蟲 泥沙爲飲食
 以在八難處 難得復人形 譬如海盲龜
 欲值浮木孔 生死墮須河 甫來已過去
 值法已沒盡 輒生佛故處 爲法船欲壞
 思惟人甘露 精進諷爲勉 善知識爲師
 精進爲大力 慧明踰日光 甘露消諸毒
 亦能除五陰 若人已有信 住在佛教戒
 便道通亦利 以開甘露門 甘露聲已出
 三界偏分明 已開大要道 但當正意行
 一心向在在 爲道莫中止 人意譬如稱

常當攝拘牽　思惟止與觀　是爲世間明

又手持頭腦
三界皆禮佛

三界皆禮佛

佛說五苦章句經

聞如是一時佛在舍衛國祇樹給孤獨園佛告阿難
我今禪定憐傷世人不知佛道正真弘深而以淺僞
輕薄之言欲設嫉心謗毀道根妄作窮難難吾弟子
汝當正心知此罪人或是邪妖惡師或是不知世俗
奸人若諸菩薩比丘僧比丘尼優婆塞優婆夷明經
高潔開解愚冥爲說生死罪福所鍾設其卽解知服
道真此爲罪滅福生之人若其指掌爲說橋梁心懷
憤憤意不欲聞雖欲強聽心多睡眠或壞道法輕毀

佛說堅意經

後漢三藏安世高譯

78901012345678930123456789

沙門及優婆塞惡口妄言當明此人爲罪所牽沙門
賢者以忍爲先當如清水無所不淨死人死狗死蛇
屎尿亦皆洗之然不毀水清亦當持心有如掃箒掃
地淨不淨死人死狗死蛇屎尿亦亦掃之然不毀於
篇矣亦當復如風火之力光死人死狗死蛇屎尿亦
吹亦燒然不毀風火之力光若人欲來殺已亦不
瞋欲來謗已亦不瞋欲來譖已亦不瞋欲來笑
已亦不瞋欲來壞已使不事佛法已亦不瞋但當
慈心正心惡滅福生邪不入正萬惡消爛佛告阿難
其有好心善意之人聞佛明法一心而聽能一日可

不能一日半日可不能半日一時可不能一時半時
可不能半時須臾可其福不可量不可訾也汝當廣
爲諸比丘僧比丘尼優婆塞優婆夷白衣人民說之
并當廣爲說布施種生死糧其有齋日施設飯食請
召四輩高經賢者沙門道人施設高座論講佛經燒
香然燈光明達天諸天喜笑皆下虛空側耳來聽莫
不欣然其有破慳布施爲福善神卽下營救門戶禳
禍滅怪出與利會利則而吉終無怨惡譬如種穀隨
種而生種善得福種惡獲罪殃未有不種而獲果實
當正爾心福自歸身慎無十問爲邪所牽心懷狐疑

善神遠人動入罪地所爲不成不知毀戒反怨佛神
事之無益遂不正心男子女人其有聞此經者及奉
持讀誦者莫不得福阿難歡喜起爲佛作禮
佛說堅意經

佛說淨飯王般涅槃經

宋居士沮渠京聲譯

如是我聞一時佛住王舍城耆闍崛山中與大比丘
衆俱爾時世尊光明煥煥喻若日出照明世間時舍
夷國王名曰淨飯治以正法禮德仁義常行慈心時
被重病身中四大同時俱作殘害其身肢節欲解喘
息不定如駛水流輔相宣令國中明醫皆悉集會瞻
王所疾隨病授藥種種療治無能愈者瑞應已至將
死不久時王煩躁轉側不停如少水魚夫人太子見
其如是益更愁惱時白飯王斛飯王大稱王等及諸

8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

當一

羣臣同發聲言今王設崩永失覆護國將虛弱王身
戰動唇口乾燥語聲數絕眩目淚下時諸王等皆以
敬意長跪又手同共白言大王素性不好作惡經彈
指頃積德無狀護養人民莫不得安名聞十方大王
今日何故愁惱時淨飯王語聲趣出告諸王曰我命
雖逝不以爲苦但恨不見我子悉達又恨不見次子
難陀已除貪婬世間諸欲復恨不見斛飯王子阿難
陀者持佛法藏一言不失又恨不見孫子羅雲年雖
幼稚神足純備戒行無缺吾設得見是諸子等我病
雖篤未離生死不以爲苦諸在王邊聞如是語莫不

啼泣淚下如雨時白飯王白淨飯王言我聞世尊在
王舍城耆闍崛山中去此懸遠五十由旬王今轉羸
設遣使者道路懸遠懼恐遲晚無所加益惟願大王
莫大愁悒懸念諸子時淨飯王聞是語已垂淚而言
答白飯王我子等輩雖復遼遠意望不斷所以者何
我子成佛以大慈悲恒以神通天眼徹視天耳洞聽
救接衆生應可度者如有百千萬億衆生爲水所溺
以慈愍心爲作船筏而度脫之終不勞疲譬若有人
爲賊所圍或值怨敵惶怖失計不望自濟惟求救護
依有勢者欲從恐難而得解脫譬若有人時得重病

欲得良醫以療其疾如我今日望見世尊亦復如是
所以然者世尊晝夜常以三時恒以天眼觀於衆生
應受化者以慈悲心如母念子爾時世尊在靈鷲山
天耳遙聞迦維羅越大城之中父王悒遲及諸王言
卽以天眼遙見父王病臥著牀羸困憔悴命欲向終
知父渴仰欲見諸子爾時世尊告難陀曰父王淨飯
勝世間王是我曹父今得重病宜當往見餘命少在
時嚴欲發我曹應往曼命存在及共相見令王願滿
難陀受教長跪作禮唯然世尊淨飯王者是我曹父
所作奇特能生聖子利益世間今宜往詣報育養恩

阿難合掌前白佛言我隨世尊會共相見淨飯王者
是我伯父聽我出家爲佛弟子得佛爲師是故欲往
羅雲復前而白佛言世尊雖是我父棄國求道我蒙
祖王育養成就而得出家是故欲往奉覲祖王佛言
善哉善哉宜知是時令王願滿於時世尊卽以神足
猶如鴈王踊身虛空忽然而現在迦維羅衛放大光
明國中人民遙見佛來皆共舉聲涕淚而言設大王
崩舍夷國名必斷滅矣城中人民向佛啼哭白世尊
言爾時太子踰出宮城詣藍毗樹下而坐思惟父王
見之稽首敬禮大王如是命斷不久惟願如來宜可

時往及共相見國中人民宛轉自撲哽咽啼哭中有
自絕瓔珞之者中有自裂壞衣服之者中有取灰土
而自塗者中有自搜拔其髮者痛徹骨髓猶癲狂人
佛見是已諫國中人無常離別古今有是汝等諸人
當思念之生死爲苦惟道是真佛以法雨灌衆惱心
以種種法而開解之於時世尊卽以十方四無所畏
十八不共諸佛之法放大光明更復重以三十二相
八十種好放大光明以從無量阿僧祇劫所作功德
放大光明其光照耀內外通達周徧國界光照王身
患苦得安王遂怪言是何光耶爲是日月之光明耶

諸天光乎光觸我身如天栴檀令我身中患苦得息
我遂疑怪儻是我子悉達來耶先現光明是其瑞也
時大稱王從外入宮白大王言世尊來也將諸弟子
阿難難陀羅雲之等乘虛來至王宜歡喜捨愁毒心
王聞佛來敬意踊躍不覺起坐須臾之頃佛便入宮
王見佛到豫舉兩手接足而言惟願如來手觸我身
令我得安爲病所困如壓麻油痛不可忍我命將逝
寧可還返我今最後得見世尊痛旣卽除佛知父王
病重羸瘦色變難識覩見形體憔悴叵看佛告難陀
觀王本時形體巍巍妙色端正名聲遠聞今得重病

乃不可識端正形容勇健之名今何所在爾時淨飯王一心合掌歎世尊言

汝願已成就亦滿衆生願我今得重病
願佛度我厄嚴飾瞿曇種汝爲甚奇特
末世說正法無護而作護法王以法味
灌濯諸衆生如是後聖王我子極慈孝
人中之上寶名達大千界上至淨居天
獨步無等雙

佛言惟願父王莫復愁憂所以然者道德純備無有
缺減佛從袈裟裏出金色臂掌如蓮華卽以手著父

王額上王是清淨戒行之人心垢已離今應歡悅不
宜煩惱當諦思念諸經法義於不牢固得堅固志以
種善根是故大王宜當歡喜命雖欲終自可寬意時
大稱王以恭敬意白淨飯王言佛是王子神力具足
無與等者次子難陀亦是王子已度生死諸欲之海
四道無礙斛飯王子阿難陀者以服法味佛所說法
猶如淵海一句不忘悉總持之王孫羅雲道德純備
逮諸禪定成四道果是四子等以壞魔網時淨飯王
聞是語已歡喜踊躍不能自勝卽以自手捉於佛手
著其心上王於臥處仰向合掌白世尊言我瞻如來

目睫不瞬視之無厭我願已滿心意踊躍從是臥別
如來至真多所利益其有得見聞所說者此輩之等
皆是有相大功德人今日世尊是我之子接遇過多
不見捐棄王於臥處合掌心禮世尊足下時佛手掌
故在王心上無常對至命盡氣絕忽就後世於是諸
釋號咷啼哭舉身自撲兩手拍地解髻亂髮同發聲
言永失覆蓋有自絕嬰珞中有裂壞衣服之者中有
自櫛拔其髮者中有 一 王順正治國不枉人民者中
復有言諸小國等失 一 覆護王中尊王今已崩背國
失威神時諸釋子以衆香汁洗浴王身纏以劫波育

氍及諸繒帛而以棺斂於師子座七寶莊嚴真珠羅
網垂繞其傍舉棺著於師子座上散華燒香佛共難
陀在喪頭前肅恭而立阿難羅雲住在喪足難陀長
跪白佛言父王養我願聽難陀擔父王棺阿難合掌
前白佛言惟願聽我擔伯父棺羅雲復前而白佛言
惟願聽我擔祖王棺爾時世尊念當來世人民兇暴
不報父母育養之恩爲不孝之者爲是當來衆生之
等設禮法故如來躬身自欲擔於父王之棺卽時三
千大千世界六種震動一切諸山崛峨涌沒如水上
船爾時欲界一切諸天與無央數百千眷屬俱來赴

喪北方天毗沙門王將諸夜叉鬼神之等億百千衆俱來赴喪東方天王提頭賴吒從諸妓樂鬼神之等億百千衆俱來赴喪南方天王毗留勒又將鳩槃茶鬼神之等億百千衆俱來赴喪西方天王毗留博又將諸龍神億百千衆俱來赴喪皆共發哀舉聲啼哭時四天王竊共私議瞻望世尊爲當來世諸不孝順父母者故以大慈悲現自躬身擔父王棺時四天王同時長跪同時發聲俱白佛言唯然世尊願聽我等擔父王棺所以然者我等亦是佛之弟子亦復從佛聞法意解得法眼淨成須陀洹以是之故我曹宜擔

父王之棺爾時世尊聽四天王擔父王棺時四天王各自變身如人形像以手擎棺擔在肩上舉國人民一切大衆莫不啼哭爾時世尊威光益顯如萬日並如來躬身手執香爐在喪前行出詣葬所靈鷲山上千阿羅漢以神足力乘虛來詣稽首佛足復白佛言惟願世尊勅使何事時佛便告阿羅漢汝等疾往大海渚上取牛頭栴檀種種香木卽便受教如彈指頃各到大海共取香薪屈伸臂頃便已來到佛與大衆共積香薪舉棺置上放火焚之一切大衆見火熾然皆同向佛前宛轉自撲益更悲哭有得道者皆悉

慶幸未獲道者心顫惶怖衣毛爲豎於是世尊告大衆曰世皆無常苦空非身無有堅固如幻如化如熱時燄如水中月命不久居汝等諸人勿見此火便以爲熱諸欲之火極復過此是故當勤而自勸勉永離生死乃得大安時火焚燒大王身已爾時諸王各各皆持五百瓶乳以用滅火火滅之後競共收骨盛置金函卽於其上便共起塔懸繒旛蓋及種種鈴供養塔廟時諸大衆同時發聲俱白佛言大淨飯王今已命終神生何所惟願世尊分別解說於時世尊告衆會曰父王淨飯是清淨人生淨居天聞是語已便令

愁毒佛說經竟諸天龍神及四天王所將眷屬世間人民一切大衆爲佛作禮各自而去
佛說淨飯王般涅槃經

音釋

戮力竹切

殺也

追都回切

聚土也

廬烏合切山

窟穴也

蜎火玄切

蜎蜎也

蜎火玄切

蜎蜎也

蜎火玄切

蜎蜎也

切蟲

動貌

𧔗去縕切

行貌

𧔗昌充切

動蟲也

鷄食倫切

鳥名

喙呼惠切

鳥嘴也

喙呼惠切

鳥嘴也

喙呼惠切

喙背曲

銀鑄銀力當切

鑄也

鐺都爾切

都也

時池爾切

立也

絆博慢切

繫也

跼必益切

足

跼必益切

跼

跼必益切

跼

不能

捨也

古岳切

校

立也

捺側革切

捺牒同裂也

捺械也

捺械也

捺胡郎切

捺

捺黃絹切

捺

捺

也

脅張脅匹絳切

脅知亮切

脅牒同裂也

脅械也

無常撥子紅切睫卽葉切目
主也撥也旁毛也

金壇王氏性賢施贊刻

二經同卷

計字九千二百乙十六箇該銀四

兩七錢九分

武林釋大能對長洲徐普書溧水陶學恭刻

書醫庚戌歲春三月徑山寂照庵識

佛說興起行經序
所謂崑崙山者則閻浮利地之中心也山皆寶石周
市有五百窟窟皆黃金常五百羅漢居之阿耨大泉
外周圍山山內平地泉處其中泉岸皆黃金以四獸
頭出水其口各繞一市已還復其方出投四海象口
所出者則黃河是也其泉方各二十五由延深三厥
劣一厥劣者七里也泉中有金臺臺方一由延臺上
有金蓮華以七寶爲莖如來將五百羅漢常以月十
五日於中說戒因舍利弗問佛十事宿緣後以十五
日時將本弟子說訖乃止如是至九往所以十問而

卷之三

小言其外月

卷之三

九答者以木鏘之對人間償之欲示人宿緣不可逃避故也又阿耨泉中非有漏礙形所可周遊雖有阿難爲如來所接也所以殷勤告舍利弗者欲化諸龍故也

佛說興起行經卷上

亦名嚴成宿
緣經出雜藏

後漢外國三藏康孟詳譯

聞如是一時佛在摩竭國普爲衆生故止於竹園中佛語諸比丘及神足羅漢各齋所乞食器共至阿耨泉路由五姓國將諸比丘衆於中共乞食比丘五百人以神足飛下比丘僧圍繞到阿耨大泉世尊坐其中世尊食已訖諸比丘故食當於飲食時地爲大震動比丘問世尊此何爲震動世尊便爲說愍此衆生動地獄有罪人極行衆逆惡鬼神有千人斫其兩大肋須臾不休息斧斤皆燒赤研滿止千歲力極乃得

斷問作何等罪乃致此苦痛此肋大爾許使地爲震動此本世間人恒得姪他妻坐貪色欲故又殺清信士以是宿緣故致得此大身鬼神有千人恒所此兩肋也世尊說如是佛問諸四道汝等作何緣各各可自說神通大弟子能繼轉法輪智慧舍利弗起問於世尊世尊無雙比無事不見聞世尊先自說宿世諸因緣孫陀利生惡謗望得其敬事無故誹謗世尊此是何因緣坐奢彌跋提此五百比丘無故相誹謗此是何因緣何爲得頭痛誅殺五親時諸節皆疼痛及患脊背剛強木槍刺腳調達崖石擲槌拔脚此世所行緣

是何因緣多舌童女人舞盃起其腹無故來相謗在於大衆中又在毗蘭邑三月食馬麥國師梵志請此是何因緣在於鬱祕地苦行足六年斷息禪羸瘦此是何因緣世尊爲演說舍利弗諦聽今當盡爲說先世所行緣

佛說孫陀利宿緣經第一

聞如是一時佛在阿耨大泉與大比丘五百人俱皆是阿羅漢六通神足大有名稱端正姝好各有衆相不長不短不白不黑不肥不瘦色猶紅蓮華皆能伏心意唯除一比丘何者阿難是也舍利弗自從華座

起整衣服偏露右臂右膝跪蓮華上向佛又手問世尊言世尊無事不見無事不聞無事不知世尊無雙比衆惡滅盡諸善普備諸天龍神帝王臣民一切衆生皆欲度之世尊今故現有殘緣願佛自說此緣使天人衆生聞者開解以何因緣孫陀利來詣訪以何因緣坐奢彌跋提被訪及五百羅漢以何因緣世尊頭痛以何因緣世尊骨節疼痛以何因緣世尊脊背強以何因緣剛木刺其脚以何因緣地婆達兜以崖石擲以何因緣多舌女人舞孟大衆中有漏無漏前來相誹謗曰何以不自說乃爲他說爲我今臨產當須酥油以何因緣於毗蘭邑與五百比丘食馬麥以何因緣在鬱祕地苦行經六年謂呼當得佛佛語舍利弗還復華座吾當爲汝說先世諸因緣舍利弗卽便還復本座阿耨大龍王聞佛當說因緣法踊躍歡喜卽爲佛作七寶交露蓋中雨栴檀末香周徧諸座無數諸天龍鬼神乾沓和阿須倫迦樓羅甄陀羅摩休勒皆來詣佛又手作禮圍繞而立佛便爲舍利弗說往昔過去世波羅柰城中有博戲人名曰淨眼巧於歌戲爾時有姪女名曰鹿相端正殊好嚴淨無比時淨眼往至鹿相所語此女曰當共出外詣樹園

中求於好地共相娛樂女答曰可爾鹿相便歸莊嚴衣服詣淨眼家淨眼卽嚴駕好車與鹿相共載出波羅柰城至於樹園共相娛樂經於日夜淨眼覩其衣服珍妙便生貪心當殺此女取其衣服復念殺已當云何藏之時此園中有辟支佛名樂無爲去其所止不遠淨眼又念此辟支佛晨入城乞食後我當殺鹿相埋其廬中持衣服而歸誰知我處明日辟支佛卽入城乞食淨眼於後便殺鹿相脫取衣服埋尸著樂無爲廬中平地如故便乘車從餘門入城爾時波羅柰國王名梵達國人不見鹿相遂徹國王衆人白王鹿相不見王卽召羣臣詣里徧巷戶至視之諸臣受教如命視之徧視不得便復出城見樹間衆鳥飛翔其上衆人便念城中已徧不得此必有以當共往彼卽尋便往到樂無爲廬前搜索得尸諸臣語樂無爲曰已行不淨胡爲復殺辟支佛嘿然不答問如此至三不答如前樂無爲手脚著土此是先世因緣故嘿然不答衆臣便反縛樂無爲拷打問辭樹神人現半身語衆人曰莫拷打此人衆臣曰何以不打神曰此無是法終不行是諸臣雖聞神言不肯聽用將此樂無爲逕詣王所白王曰此道士行不淨已又復殺之

王聞是語瞋恚大喚語諸大臣看是道士行於非法應當爾耶王勅諸臣急縛驢駄打鼓徧巡然後出城南門將至樹下讚鉾針之貫著竿頭聚弓射之若不死者便斫其頭諸臣受教急縛驢駄打鼓巷至巡之國人見之皆怪所以或有信者或不信者衆人集觀喚呼悲傷於時淨眼在破牆中藏聞衆人云云聲便於牆中傾顧盜視見樂無爲反縛驢駄衆人遂行見已心念此道士無故見枉當死此不應有愛欲我自殺鹿相非道士殺我自受死當活道士淨眼念已便出走趣大衆並喚上官曰莫因殺此道士非道士殺

鹿相是我殺之耳願放此道士縛我隨罪治我諸上官皆驚愕曰何能代他受罪卽共解辟支佛縛便捉淨眼反縛如前諸上官等皆向辟支佛作禮懺悔我等愚癡無故枉困道士當以大慈原赦我罪莫使我將來受此重殃如是至三樂無爲辟支佛嘿然不答辟支佛心念我不宜更入波羅柰城乞食我但於此衆前取滅度耳辟支佛便於衆前踊升虛空於中往返坐臥住立腰以下出煙腰以上出火或復腰以下出火腰以上出煙或左脇出煙右脇出火或左脇出火右脇出煙或腹前出煙背上出火或腹前出火背

上出煙或腰以下出火腰以上出水或腰以下出水
腰以上出火或左脇出水右脇出火或腹前出水背
上出火或腹前出火背上出水或左肩出水右肩出
火或左肩出火右肩出水或兩肩出水或兩肩出火
然後舉身出煙舉身出火舉身出水卽於空中燒身
減度於是大衆皆悲涕泣或有懺悔或有作禮者取
其舍利於四衢道起偷婆諸上官卽將淨眼詣王梵
達此人殺鹿相非是道士殺王便瞋此監司前時何
爲妄白虛事云此殺人今云非也乃使我作虛妄之
人枉困道士諸臣白王於時頻問道士何爲殺人也

時道士嘿不見答叉手脚復著土以是故臣等謂呼
其殺人王便勅臣驢馱此人於城南先以稍針之然
後立竿貫頭聚弓射之若不死者便斫其頭諸臣受
敎卽以驢馱打鼓徧巡已出城南詣樹下稍針貫木
聚弓射之然後斫頭佛語舍利弗汝乃知爾時淨眼
者不則我身是舍利弗汝復知鹿相者不則今孫陀
利是舍利弗汝知爾時梵達王不則今執殺釋種是
舍利弗爾時殺鹿相枉困辟支佛以是罪故無數千
歲在泥犁中煮及上劔樹無數千歲在畜生中無數
千歲在餓鬼中爾時餘殃今雖作佛故獲此孫陀利

10123456789201234567893012345678930
詒於是佛自說宿命因緣偈曰

我先名淨眼 乃是博戲人 辟支名樂無
無過致困苦 此有真淨行 爲衆所擾惱
毀辱而縛束 復欲驅出城 見此辟支佛
因辱被繫縛 我起慈悲心 使令得解脫
以是因緣故 久受地獄苦 乃爾時殘殃
今故被誹謗 我今斷後生 便盡於此世
坐此孫陀利 故得其誹謗 因緣終不脫
亦不著虛空 當護三因緣 終始不可犯
我自成尊佛 得爲三界將 故說先因

阿耨大泉中

佛語舍利弗汝觀如來衆惡皆盡諸善普備能度天
龍鬼神帝王臣民蜎飛蠕動皆使得無爲安樂雖有
是功德猶不免於宿緣況復愚冥未得道者不攝身
口意此等當如何佛語舍利弗汝當學是及諸羅漢
并一切衆生當護身三口四意三舍利弗汝當學是
并及一切佛說是時舍利弗及五百羅漢阿耨大龍
王天龍鬼神乾沓和阿須倫迦樓羅甄陀羅摩休勒
聞佛所說歡喜受行

佛說奢彌跋宿緣經第二

10 9 8 7 6 5 4 3 2 1

聞如是一時佛在阿耨大泉與大比丘衆五百人俱
皆是羅漢六通神足唯除一比丘阿難也是時佛告
舍利弗過去久遠九十一劫是時有王名曰善說城
名善說所造有一婆羅門名延如達好學廣博外道
四部天文圖讖占相藝術曉七種書及外道教戒解
了衆法世俗典籍相有三十常敎學五百豪族童子
復有一婆羅門名曰梵天大富饒財象馬七珍侍使
僕從婦名淨音端正殊妙容貌第一性行和調無嫉
妬心延如達以梵天爲檀越婦淨音供養延如達飲
食衣被牀臥坐具病瘦醫藥有一辟支佛名曰愛學
往到城內著衣持鉢行欲乞食偶至梵天門淨音見
辟支佛衣服整齊行步詳審六根寂定心甚愛樂卽
請供養曰自今已去衣被飲食牀臥醫藥常從我受
當爲我故受我請淨音卽以濃美飲食滿鉢與之辟
支佛受已執鉢升虛空七反迴旋飛還所止時城內
人見此神足曰國有是人令我等有福舉國歡喜供
養無厭淨音供養辟支佛日進待延如達遂薄延如
達自覺薄已厚彼便興妬嫉誹謗之言此道士實無
才德何以故此淨音作不淨行故也以是故厚供養
之延如達告五百弟子曰此道士犯戒無精進行諸

童子各歸家宣令曰此道士無有淨行與淨音通諸童子曰爾如師所言此道士實有姪欲心五百童子受敎入城至巷宣令曰此道士有姪欲心與淨音通國人咸疑神足如是有此穢聲耶此聲經七年乃斷後辟支佛現十八變取於滅度衆人乃知延如達爲虛妄辟支佛爲清淨佛語舍利弗汝知爾時延如達不則我身是爾時梵天者憂填王是爾時淨音者奢彌跋是爾時五百童子者今五百羅漢是佛語舍利弗我爾時因失供養故便生妬嫉心與汝等共誹謗辟支佛以是因緣與汝等共入地獄餽湯見煮無數

千歲由是餘殃今雖得佛故與汝等有奢彌跋之訪也於是世尊說先世因緣偈曰

我先爲梵志 廣學外四部 正於樹園中
教授五百童 有一辟支佛 清淨有神足
見是得供養 無故橫相謗 還語諸童子
道士不淨行 我適說是時 童子皆歡喜
童子聞是已 徒行諸里巷 盡向衆人說
道士犯不淨 以是因緣故 經歷地獄久
我及汝曹等 受是無限苦 由是殘因緣
是衆五百人 無故被誹謗 坐此奢彌跋

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

我今在末世 成於無上道 無故而被謗
坐此奢彌跋 如來成尊佛 三界之大將
阿耨大池中 自說本世緣

佛告舍利弗汝觀如來衆漏已盡諸善普具慈愍天
人及至蠕動皆欲使濟度雖有此功德猶不免於宿
緣況復愚蒙未識道者佛語舍利弗汝當學是及諸
羅漢一切衆生皆當學是佛語舍利弗汝當護身三
口四意三舍利弗當學如是佛說是已舍利弗及五百
百羅漢阿耨大龍鬼神乾沓和阿須倫迦樓羅甄陀
羅摩休勒聞佛所說歡喜受行

佛說頭痛宿緣經第三

聞如是一時佛在阿耨大泉與大比丘五百人俱皆
是羅漢六通神足唯除一比丘阿難也佛告舍利弗
過去久遠世於羅閱祇大城中時穀貴饑饉人皆拾
取白骨打煮飲汁掘百草根以續微命以一升金貿
一升穀爾時羅閱祇有大村數百家名曰吱越村東
不遠有池名曰多魚吱越村人將妻子詣多魚池止
於池邊捕魚食之時捕魚人探魚著岸上在陸而跳
我爾時爲小兒年適四歲見魚跳而喜以杖打頭時
池中有兩種魚一種名麁一種名多舌此自相語曰

我等不犯人橫見苦我等後世要當報此佛語舍利
弗汝識爾時咬越村人男女大小不則今迦毗羅越
國諸釋種是爾時小兒者我身是爾時鱗魚者毗樓
勒王是爾時多舌魚者今毗樓勒王相師婆羅門名
惡舌者是爾時魚跳我以小杖打魚頭以是因緣墮
地獄中無數千歲我今雖得作佛由是殘緣故毗樓
勒王伐釋種時我得頭痛佛語舍利弗汝知我云何
頭痛舍利弗我初得頭痛時語阿難曰汝以四升鉢
盛滿冷水來阿難如教持來以指杖額上汙滴水中
水卽尋消滅猶如終日炊空大釜投一滴水水卽焦

然頭痛之熱其狀如是假令須彌山邊旁出凸崖一
由延至百由延值我頭痛熱者亦當消盡舍利弗如
來頭痛如是佛爾時說宿緣偈曰

先世咬越村 有一咬越子 捕魚置岸上
以杖撻其頭 以是因緣故 經歷地獄久
名曰黑繩獄 燒煮甚久長 由是殘因緣
今得頭痛熱 殺是諸釋時 惡行毗樓勒
此緣終不化 亦不著虛空 當共自謹慎
防護身口意 我自成尊佛 得爲三界將
故說先世緣 阿耨大泉中

佛所說歡喜受行

佛說骨節煩疼因緣經第四

聞如是一時佛在阿耨大泉與大比丘衆五百人俱
皆是羅漢六通神足唯除一比丘阿難也佛語舍利
弗往昔久遠世於羅閱祇城中有一長者子得熱病
甚困其城中有一大醫子別識諸藥能治衆病長者
子呼此醫子曰爲我治病愈大與卿財寶醫子卽治
長者子病旣得差之後不報其功長者子於後復病
復命治之差不答勞如此至三不報如前後復得病
續喚治之醫子念曰前已三差而不見報長者子曰
卿前後治我未得相報今好治我差當併報醫子念
曰見欺如此至三如誑小兒我今治此當令大斷卽
便與非藥病遂增劇便致無常佛語舍利弗汝知爾
時醫子不則我身是爾時病長者子者地婆達兜是

也佛語舍利弗我爾時與此長者子非藥致令無常
以是因緣數千歲受地獄燒煮及畜生餓鬼由是殘
緣今雖得作佛故有骨節煩疼病生於是佛說宿緣
頌曰

我往爲醫子 治於長者兒 瞞恚與非藥
由此致無常 以是宿因緣 久受地獄苦
爾時餘因緣 故致煩疼患 因緣終不滅
亦不著虛空 以是三因緣 盡護身口意
我自成尊佛 得爲三界將 故說先世緣
阿耨大泉中

佛語舍利弗汝見如來衆惡已盡諸善普具欲使天
龍鬼神帝王臣民皆念其善由有此緣況復愚冥未
得道者佛語舍利弗汝當學是及五百羅漢一切衆
生皆當學是佛語舍利弗汝當護身三口四意三舍
利弗汝當學是佛說是已舍利弗及五百羅漢阿耨
大龍王天龍鬼神乾沓和阿須倫迦樓羅甄陀羅摩
休勒聞佛所說歡喜受行

佛說背痛宿緣經第五

聞如是一時佛在阿耨大泉與大比丘衆五百人俱
皆是羅漢六通神足唯除一比丘阿難也於是佛語

1890123456789020123456789030123456789045678905

舍利弗往昔久遠世時於羅閱祇時大節日聚會時國中有兩姓力士一姓刹帝利種一姓婆羅門種亦來在會時兩力共相撲婆羅門力士語刹帝利力士曰卿莫撲我我當大與卿錢寶刹帝利便不盡力戲令其屈伏也二人俱得稱皆受王賞婆羅門力士竟不報刹帝利力士所許到後節日復來聚會相撲婆羅門力士復求首刹帝利力士如前相許刹帝利復饒不撲得賞如上復不相報如是至三後節日復會婆羅門力士重語刹帝利力士曰前後所許當一時併報刹帝利力士心念曰此人數欺我既不報我又自說宿緣頌曰

侵我分我今日當使其消是刹帝利便乾笑語曰卿誑我滿三今不復用卿物便右手捺項左手捉膀腰兩手蹙之挫折其脊如折甘蔗擎之三旋使衆人見然後撲地墮地卽死王及羣臣皆大歡喜賜金錢十萬佛語舍利弗汝知爾時刹帝利力士撲殺婆羅門力士者不則我身是婆羅門力士者地婆達兜是佛語舍利弗我爾時以貪恚故撲殺此力士以是因緣墮地獄中燒煮煩治經數千歲今我已成阿惟三佛諸漏已盡爾時殘緣今故有此脊痛之患於是世尊自說宿緣頌曰

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 10 11 12 13 14 15 16 17 18 19 20

節會共相撲 意欲屈彼人 一舉撲著地
令其脊中折 以是因緣故 久受地獄苦
先世殘餘殃 故致脊痛患 此緣終不滅
亦不著虛空 護是三因緣 莫犯身口意
我自成尊佛 得爲三界將 阿耨大泉中

自說宿世緣

佛語舍利弗汝見如來衆惡已盡諸善普具諸天龍
神帝王臣民一切衆生皆欲令得度尚不免餘殃況
復愚癡未得道者佛語舍利弗汝等當學是護身三
口四意三佛說是已舍利弗及五百羅漢八部鬼神

聞佛所說歡喜受行
佛說木槍刺腳因緣經第六

聞如是一時佛在羅閱祇竹園精舍與大比丘僧五百人俱世尊晨旦著衣持鉢與五百比丘僧及阿難圍繞共入羅閱祇城乞食家家徧至見此里中有破剛木者有一片木長尺二吋在一邊於佛前立佛便心念此是宿緣我自作是因自當受之衆人聞見皆共聚觀大眾見之驚愕失聲佛復心念今當現償宿緣使衆人見信解殃對不敢造惡佛便踊在虛空去地一仞木槍逐佛亦高一仞於佛前立佛復上二仞

三仞四仞乃至七仞槍亦隨上七仞世尊復上高一
多羅槍亦高一多羅佛復上乃至七多羅槍亦隨上
立於佛前佛復上高七里槍亦高七里佛復上高十
里槍亦如是佛復上高一由延槍亦隨之復上七由
延槍亦上隨之佛於空中化作青石厚六由延縱廣
十二由延佛於上立槍便穿石出在佛前立佛復於
空中化作水縱廣十二由延深六由延於水上立槍
復過水於佛前立佛復於空中化作大火縱廣十二
由延高六由延於焰上立槍亦過焰至佛前立佛復
於空中化作旋風縱廣十二由延高六由延於風上

立槍從傍邊斜來趣佛前立佛復上至四天王宮殿
中住槍亦來上至佛前立佛復上至三十三天上辟
方一由延瑠璃石佛於上立槍亦來上在佛前立佛
去後四天王相告曰佛畏此木槍槍亦逐不置皆共
僉然不悅從三十三天化去至焰天焰天化去至兜
率兜率化去至涅摩地涅摩地化去至婆羅尼蜜婆
羅尼蜜化去至梵天木槍從三十三天以次來上乃
至梵天於佛前立諸天皆相謂曰佛畏此槍捨走然
槍逐不置爾時世尊與梵天說自宿緣法從梵天還
至婆羅尼蜜婆羅尼蜜下至涅摩羅地涅摩羅地下

至兜率兜率下至焰天焰天下至三十三天三十三
天下至四天王四天王下還至羅閱祇佛所過諸天皆
爲說宿緣法槍亦復從上下至羅閱祇佛亦爲羅閱
祇人說宿緣法佛與比丘僧出羅閱祇城槍亦尋佛
後國人盡逐佛出城佛問衆人汝等欲何至衆人答
曰欲隨如來看此因緣佛語衆人各自還歸如來自
知時節阿難問佛如來何以遣衆人還佛語阿難若
衆人見我償此緣者皆當悶死墮地阿難便默然世
尊卽還竹園僧伽藍自處已房勅諸比丘各自還房
各受敎還房阿難問佛我當云何佛語阿難汝亦還

房阿難卽還佛便心念是緣我宿自造必當償之卽
取大衣四疊襞之還坐本座佛便展右足木槍便從
足趺上下入徹過入地地深六萬八千由延過此地
至水水深亦六萬八千由延過水至火火高六萬八
千由延至火乃焦當爾時地六反震動阿難諸比丘
各自心念今此地動槍必刺佛腳也佛被刺已苦痛
辛痛疼痛斷氣痛阿難卽至佛所見佛腳刺槍瘡便
悶死倒地佛便以水灑阿難阿難乃起起已禮佛足
摩拭佛足嗚佛足涕泣墮淚曰佛以是脚行至樹下
降魔上至三十三天爲母說法世尊金剛之身作何

因緣爲此小木所害乃爾佛語阿難且止勿憂涕泣
世間因緣輪轉生死有是苦患阿難問佛今者瘡痛
增損何如佛語阿難漸漸有降舍利弗將諸比丘僧
來詣佛所稽首佛足禮已一面住舍利弗問佛不審
瘡痛增損云何佛報舍利弗瘡痛漸漸有損爾時比
丘衆中漏未盡者見此瘡皆悲喚號泣曰世尊大慈
無物不濟而云何有此痛緣也佛語此等比丘且止
莫涕我乃先世自造此緣要當受之無可逃避處此
對亦非父作亦非母作亦非王作亦非天作亦非沙
門婆羅門所作本我自造今自受之諸漏盡神通者

各自默然思惟佛往日曾所說偈曰
世人所作行 或作善惡事 此行還歸身
終不朽敗亡

者婆聞佛爲木槍所刺涕泣至阿闍世王所阿闍世
王曰卿何以涕泣者婆答曰我聞佛爲木槍刺脚是
以涕耳阿闍世王聞此語便從牀上悶死墮地良久
乃甦舉宮內外咸皆驚怖王起涕泣勅諸臣曰速疾
嚴駕欲至佛所諸臣受教即便嚴駕白王曰嚴駕已
訖王即便上車出羅閱祇城內四姓宗族清信士女
聞佛爲木槍所刺王與弟耆婆及此人衆百千圍繞

共至佛所下車脫冠解劍退蓋步進詣佛佛右脇側臥王禮佛已手捉佛足摩拔口嗚自稱國號姓名曰摩竭王阿闍世問訊世尊瘡痛寧有小損不佛報阿闍世當使大王常得安隱長壽無病王當治以正法莫行非法佛便命王使坐王卽就坐王問佛言我從如來所聞佛身金剛不可毀壞不審今者何爲此木槍所刺耶佛告王曰一切諸法皆爲緣對所壞我身雖是金剛非木槍能壞宿對所壞於是世尊卽說頌曰

世人所爲作 各自見其行 行善得善報

行惡得惡報

是故大王當學捨惡從善愚騃不學問未識真道者戲笑輕作罪後當號泣受是故大王不可以戲笑作罪王當學如是王語耆婆汝合好藥洗瘡呪治必令時差耆婆曰諾耆婆卽便禮佛洗足著生肌藥已復讀止痛呪耆婆出百千價疊用裹佛足以手摩足以口嗚之曰願佛老壽此患早除一切衆生長夜之苦亦得解脫卽起禮佛於一面住佛於是爲阿闍世王一切衆會故說四諦法何謂四諦苦諦苦集諦苦盡諦道諦是爲四諦說時六十比丘得漏盡意解萬一

千人得法眼淨王於是辭曰國事多故欲還請辭佛
言可宜知是時王卽起稽首佛足繞三匝而歸諸衆
亦各禮佛繞三匝而還於是暮夜半有七天人人人
能出百種音聲來詣佛所稽首佛足繞牀一匝而立
一天白佛瞿曇沙門如師子受瘡能忍苦痛不告他
人一天又曰瞿曇沙門如象受瘡能忍苦痛不語他
人一天復曰瞿曇沙門如犛牛嘴時不覺苦痛一天
復曰瞿曇沙門如水牛嘴時不覺痛一天復曰瞿曇
沙門如八臂天王受瘡能忍苦痛一天復曰瞿曇沙
門如寶馬不覺苦痛一天復曰瞿曇沙門審諦清淨

不覺苦痛一天曰佛入中師子入中象人中犛牛人
中水牛人中八臂天王人中寶馬人中審諦清淨世
尊如此等能忍苦痛此輩愚耐痛世尊以慧耐不如
外學梵志已過中年懈廢取婦故望度苦無由得度
何以故不能究竟故也如來法中清淨究竟斷諸愛
欲滅盡涅槃如此乃度三界穢海也何以故是輩心
意正定從四諦求涅槃故也天於是以偈頌曰

兇廣難降伏 痴疑無定智 志荒處野露
不度生死淵 定智降兇愚 調意衆縛解
志寂無狂惑 是度生死海

於是天說偈已佛默然可之諸天見佛默然知爲可意卽稽首佛足繞三匝已忽然化去至清旦佛語舍利弗往昔無數阿僧祇劫前爾時有兩部賈客各有五百人在波羅柰國各撰合資財欲嚴船度海裝束已訖解繫張帆便引而去乘風徑往卽至寶渚渚上豐饒有衣被飲食牀臥坐具及妙妓女種種雜寶無物不有一部賈客主語衆人曰我等以資財故勤身苦體度海至此所求已獲今當住此以五樂自娛第二薩薄告其部衆此間雖饒衆寶五樂妓女衣食無乏不當於此久住是時於虛空中有天女慈愍此輩

賈客欲使從心所願多得財寶無爲還歸便於空語衆賈人曰此間雖有財寶五樂妓女衣被飲食不足久住當早還去何以故却後七日此地皆當沒水語訖化去復有魔天女意欲使此賈客於此沒盡不得還歸於空中告曰卿等不足嚴駕欲還去此間快樂極可娛樂此地初無水至設當有水至此之衆寶飲食衣被衆女五樂何由而有前天所說水當沒此皆是虛妄不足信之說已化去第一薩薄聞天女語已勅其部衆卿等勿復嚴駕欲得還去莫信前天所說此是虛妄耳此間快樂五欲無之間浮勤苦正欲

求此今已得之何緣復去第二薩薄還告其衆卿等
莫貪五樂於此久住却後七日水當滿此速疾市買
裝駕治船前天所說至誠不虛設七日無水猶當治
嚴還去豈可捨本父母妻子乎若當却後七日水不
至者便當於此五樂自娛然後徐歸若水審來如前
天所說者治嚴已竟去復何難佛語舍利弗却後七
日如前天所言水滿其地於時第二薩薄先已嚴辨
水至之日所將部衆卽得上船第一薩薄先不治嚴
水至之日與治嚴者爭船船主護之不令得前便著
鎧持杖共相格戰第二薩薄於船上以鎧矛鎧第一

薩薄脚徹過卽便命終佛語舍利弗汝知第一薩薄
者不則地婆達寃是第二薩薄以矛鎧第一薩薄者
則我身是爾時第一賈客衆五百人者則今地婆達
寃五百弟子是爾時第二賈客五百衆者則今五百
羅漢是爾時第一天女者則舍利弗是爾時第二天
女則今名滿月比丘婆羅門弟子是佛語舍利弗我
往昔作薩薄貪財分死度海與彼爭船以鎧矛鎧彼
薩薄脚以是因緣無數千歲墮地獄苦於地獄中無
數千過爲鎧矛所刺無數千歲墮畜生中爲人所射
無數千歲在餓鬼中上鐵錐上今雖得如來金剛之

7890101234567890201234567890301234567890401234567890501234567890601234567890701234567890801234567890901234567890

身以是餘殃故今爲木槍所刺爾時世尊說宿緣偈曰

先世作薩薄 乘船行度海 兩賈共爭船
以矛鎗彼脚 以是因緣故 地獄受鎗苦
爲畜常被射 餓鬼上錐樹 今已成佛道
愍念衆生故 雖得金剛身 不免於木槍
因緣終不滅 亦不著虛空 當護三因緣
莫犯身口意 今我成尊佛 得爲三界將
阿耨大泉中 自說先世緣

佛語舍利弗汝觀如來衆惡已盡諸善普備諸天龍

神帝王臣民一切衆生皆欲度之猶不免此對況復愚冥未得道者是故舍利弗當護身口意莫犯是三事舍利弗汝等當學如是佛說是已舍利弗歡喜受行

佛說興起行經卷上

校讌

第三紙 第一行孟

賣谷

音釋

脊資昔切直追追切切 拙莫后切苦浩
司斬也 背呂也 挑擊也切 母大指也切 打
也 穢子算切鉗也 鉢所角切初禁切言
積鉢莫浮切鉤兵也 種矛屬切 識將來之驗切

日 **歧** 章移芳無切 **麌** 麥皮也 **杖** 武粉切 **凸** 徒結切 **撓** 女教
 切 **差** 楚懈切 **脺** 苦瓦切兩 **高** 高起也 **撓** 切屈
七 病瘳也 **七** 廉切 **楚** 子六切

暴 也 **獮** 古疊衣也 **鞞** 敷容切 **𡗎** 胡刀切 **兜** 大呼也 **𡗎** 𡗎促也
猛 切惡也 **鑑** 七亂切 **牛名** **𡗎** 𡗎也 **𡗎** 𡗎也 **𡗎** 𡗎也 **𡗎** 𡗎也
切 **惡** **也** **鑑** **短矛也** **賈客** 賈公戶切

坐販曰賈

福建興泉道參政烏程沈演施貴刻
佛說興起行經卷上 計字八千七百二十七
箇該銀四兩三錢五分五厘
武林釋大能對長洲徐普書上元李熠刻
萬曆己酉歲秋七月徑山寂照庵識

佛說興起行經卷下

後漢外國三藏康孟詳譯

佛說地婆達兜擲石緣經第七

聞如是一時佛在阿耨大泉與大比丘衆五百人俱
 皆是阿羅漢六通神足唯除一比丘阿難也是時佛
 告舍利弗往昔過去世於羅閱祇城有長者名曰須
 檀大富多饒財寶象馬七珍僮僕侍使產業備足子
 姓須摩提其父須檀奄然命終須摩提有異母弟名
 修耶舍摩提心念我當云何設計不與修耶舍分須
 摩提復念唯當殺之乃得不與耳須摩提語修耶舍

大弟共詣耆闍崛山上有所論說去來修耶舍曰可爾須摩提卽執弟手上山旣上山已將至絕高崖頭便推置崖底以石墊之便卽命絕佛語舍利弗汝知爾時長者須檀者不則今父王真淨是也爾時子須摩提者則我身是弟修耶舍者則今地婆達兜是佛語舍利弗我爾時貪財害弟以是罪故無數千歲在地獄中燒煮爲鐵山所墊爾時殘緣今雖得阿惟三佛故不能免此宿對我於耆闍崛山經行爲地婆達兜舉崖石長六丈廣三丈以擲佛頭者闍崛山神名金哩羅以手接石石邊小片迸墮中佛脚拇指卽破

血出於是世尊卽說宿命偈曰

我往以財故 殺其異母弟 推著高崖下
以石墊其上 以是因緣故 久受地獄苦
於其地獄中 爲鐵山所墊 由是殘餘殃
地婆達下石 崖片落傷腳 破我脚拇指
因緣終不朽 亦不著虛空 當護三因緣
莫犯身口意 今我成尊佛 得爲三界將
阿耨大泉中 說此先世緣

佛語舍利弗汝觀如來衆惡已盡諸善普具諸天龍
神帝王臣民 一切衆生皆欲度之尚有宿緣不能得

免況復愚冥未得道者舍利弗等當學如是莫犯身
口意佛說是已舍利弗及五百羅漢阿耨大龍王天
龍鬼神乾沓和阿須倫迦樓羅甄陀羅摩休勒聞佛
所說歡喜受行

佛說婆羅門女旃沙謗佛緣經第八

聞如是一時佛在阿耨大泉與大比丘衆五百人俱
皆是羅漢六通神足除一比丘阿難也佛告舍利弗
往昔阿僧祇劫前爾時有佛號名盡勝如來至真等
正覺明行成爲善逝世間解無上士道法御天人師
號佛世尊時在波羅柰國與大比丘六萬八千衆皆
是羅漢舍利弗爾時盡勝如來有兩種比丘一種比
丘名無勝一種比丘名常歡無勝比丘者六通神足
也常歡比丘者結使未除爾時波羅柰城有長者名
大愛有象馬七寶資財無極大愛長者有婦名曰善
幻端正無比兩種比丘往來其家以爲檀越善幻婦
者供養無勝比丘衣被飲食牀臥醫藥四事無乏供
養常歡至爲微薄何以故無勝比丘斷於諸漏六通
具足常歡比丘結使未盡未成道故也常歡比丘見
無勝比丘偏受供養興妬嫉意橫生誹謗曰無勝比
丘與善幻通不以道法供養自以恩愛供養耳佛語

889101234567892012345678930123456789

舍利弗汝知爾時盡勝如來弟子常歡者不卽我身
是欲知善幻婦人者則今婆羅門女名旃沙者是佛
語舍利弗我爾時無故誹謗無勝羅漢以是罪故無
數千歲在地獄中受諸苦痛今雖得佛爲六師等諸
比丘衆漏盡未盡及諸王臣民清信士女說法時以
餘殃故多舌童女舞孟起腹來至我前曰沙門何以
不自說家事乃說他事爲汝今日獨自樂不知我苦
耶何以故汝先共我通使我有娠今當臨月事須酥
油養於小兒盡當給我爾時衆會皆低頭默然時釋
提桓因侍後扇佛以神力化作一鼠入其衣裏噉於

孟帶忽然落地爾時諸四部弟子及六師徒等見孟
墮地皆大歡喜揚聲稱慶欣笑無量皆同音罵曰汝
死赤吹罪物何能興此惡意誹謗清淨無上正真此
地無知乃能容載如此惡物也諸衆各說是時地卽
爲劈裂炎火涌出女便墮中徑至阿鼻大泥犁中大
衆見此女現身墮泥犁阿闍世王便驚恐衣毛爲豎
卽起叉手長跪白言此女所墮今在何處佛答大王
此女所墮名阿鼻泥犁阿闍世王復問佛此女不殺
人亦不偷盜直妄語便墮阿鼻耶佛語阿闍世王我
所說緣法有上中下身口意行阿闍世王復問何者

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

爲重何者爲中何者爲下佛語阿闍世王意行最重
口行處中身行在下阿闍世王復問佛何以故佛答
曰身行麤現此事可見口行者耳所聞此二事者世
間所聞見佛語大王意行者設發念時無聞見者此
是內事衆行爲意釘所繫王復問佛意不可見云何
獨繫意釘耶佛答王曰若男子女人設欲身行殺盜
淫者先當思惟朝中人定何時可行也思惟何處可
往佛復語王夫人作行先心計校然後施行是故繫
於意釘不在身口也佛復語王是口行者欲行口行
時先意思惟若在大會講論法時若在都坐斷當律

時設問我者我當違反彼說此間非是已事若有是
語者我當反之此受他意氣故作是語耳若行此三
事不著者復更作計當往聞之曰彼欲殺汝破汝壞
汝汝當隨我語莫信他人若作此兩舌者成於虛僞
滅其正法命終之後墮於泥犁佛語王是故口行繫
於意釘不繫身口王復問佛何以故佛答王曰身三
口四皆繫意釘意不念者身不能獨行是故身口繫
意釘於是世尊卽說偈曰

未曾愧心意 先當慚於意 然後恥身口

此二不離意亦不能獨行

於是阿闍世王聞佛說法涕泣悲感佛問王王何爲涕泣王答曰爲衆生無智不解三事恒有損滅是故悲耳此衆生但謂身口爲大不知意爲深奧世尊我本謂身口爲大意爲小今從佛聞乃至意爲大身口爲小佛問王曰本何以知身口大意爲小今方云意大身口小耶王復白佛夫人殺生人皆見之若偷盜姪妓亦人所見此身三事天下盡見口行妄語惡口兩舌言不至誠此口四事天下所聞意家三事非耳所聞非眼所見是故衆生以眼見耳聞爲大今聞佛

說乃知心意爲大身口爲小以是故身口二事繫於意釘佛復問王云何知意釘爲大身口二事繫於意釘王白佛言此多舌女人欲設謗毀先心思念當以繫孟起腹在大衆中說是葷事又聞佛說是故我知意大身口小佛語大王今云何解意大身口小王答言設欲行事先心發念然後身口行之是故知意大身口小佛言善哉善哉大王善解此事常當學此意比丘得阿那含道四百比丘得斯陀含道八百比丘得須陀洹道八萬天與人皆得法眼淨十萬人及非

人皆受五戒二十萬鬼神受三自歸於是世尊說宿緣偈言

盡勝如來時 我比丘多歡 毀謗於無勝
 墮於地獄久 以是殘因緣 多舌童女來
 在於大衆中 前立謗毀我 宿對終不滅
 亦不著虛空 當護三因緣 莫犯身口意
 今我成佛道 得爲三界將 阿耨大泉中
 自說先世緣

佛語舍利弗汝觀如來衆惡已盡諸善普具諸天龍
 鬼神帝王臣民一切衆生皆欲度之尚不免此宿緣

況汝愚冥未得道者舍利弗當護身口意佛說是已
 吕利弗及五百羅漢阿耨大龍王八部鬼神聞佛所
 說歡喜受行

佛說食馬麥宿緣經第九

聞如是一時佛在阿耨大泉與大比丘衆五百人俱
 皆是羅漢六通神足佛告舍利弗過去久遠世時佛
 名比婆葉如來至真等正覺明行成爲善逝世間解
 無上士道法御天人師號佛世尊在槃頭摩跋城中
 與大比丘衆十六萬八千人俱王名槃頭與羣臣庶
 民清信士女以四事供養比婆葉如來及衆終已無

之爾時城中有婆羅門名因提耆利博遠楚志四圍
典籍亦知尼犍筭術及婆羅門戒教五百童子王設
會先請佛佛便默然許之王還具饌種種濃美及設
牀座氍毹毼氈辨已畢王執香爐於座上長跪啓曰
今時已到唯願屈尊時比婆葉佛見時已至便勑大
衆著衣持鉢當就王請大眾圍繞往詣王宮就座而
坐王卽下食手自斟酌種種殼餚爾時有一比丘名
曰彌勒時病不行佛及大眾食已各還還時皆爲諸
病比丘請食過梵志山梵志山王見食香美便興妬
嫉意曰此髡頭沙門正應食馬麥不應食此甘饌之

供告諸童子汝等見此髡頭道人食於甘美殼餚不
諸童子曰爾實見此等師王亦應食馬麥佛語舍利
弗汝知爾時山王婆羅門不則我身是爾時五百童
子者今五百羅漢是爾時病比丘彌勒者則今彌勒
菩薩是佛語舍利弗我爾時興嫉妒意言是輩不應
食甘饌正應食馬麥耳及卿等亦云如是以是因緣
我及卿等於毗蘭邑故食馬麥九十日我爾時不言
與佛馬麥但言與比丘以是故我今得食擣麥人以
卿等加言當與佛麥故今日卿等食著皮麥耳於是

世尊說宿緣偈言

我本爲梵志 所學甚廣博 教授五百童
 在於樹園中 在比葉佛世 形罵諸比丘
 不應食梗糧 正應食馬麥 汝等童子說
 實如師所道 并及此等師 亦應食馬麥
 以是因緣故 久受地獄苦 爾時殘餘殃
 亦五百比丘 婆羅門時請 當會此蘭邑
 與卿食馬麥 九十日不減 因緣終不朽
 亦不著虛空 當護三因緣 莫犯身口意
 今我成佛道 得爲三界將 阿耨大泉中

自說先世緣

佛語舍利弗汝觀如來衆惡已盡諸善普具諸天龍
 神帝王臣民一切衆生皆欲度之尚不能得免宿世
 餘殃況愚冥未得道者佛語舍利弗當學護三因緣
 莫犯身口意舍利弗當學如是佛說是已舍利弗及
 五百羅漢阿耨大龍王八部鬼神聞佛所說歡喜受
 行

佛說苦行宿緣經第十

聞如是一時佛在阿耨大泉與大比丘衆五百人俱
 皆是阿羅漢六通神足唯除一比丘阿難也是時佛

告舍利弗往昔波羅柰城邊去城不遠有多狩邑中有婆羅門爲王太史國中第一有一子頭上有自然火鬘因以爲名姿首端正有三十相梵志典籍圖書識記無事不博外道禁戒及諸算術皆悉明練時有一瓦師子名難提婆羅與火鬘少小親友心相敬念須臾不忘瓦師子精進勇猛慈仁孝順其父母俱盲供養二親無所乏短難提婆羅雖爲瓦師手不掘地亦不使人掘唯取破墻崩岸及鼠壤和以爲器成好無比若有男子女人欲來買者以穀麥麻豆置地取器而去初不爭價數亦不取金銀財帛唯取穀米供食而已迦葉如來所住精舍去多狩邑不遠與大比丘衆二萬人皆是羅漢護喜語火鬘曰共見迦葉如來去乎火鬘答曰護喜用見此髡頭道人爲直是髡頭人耳何有道哉佛道難不得如是至三護喜後日復語火鬘曰共至水上澡浴乎火鬘答曰可爾便共詣水澡浴已著衣服護喜舉右手遙指示曰迦葉如來精舍去是不遠可共暫見不火鬘答曰護喜用見此禿頭道人爲禿頭道人何有佛道佛道難得護喜便捉火鬘衣牽曰共至迦葉佛去來佛去甚近不遠火鬘便脫衣捨走護喜逐後捉腰帶挽曰爲可暫共

見佛便還耶火鬘復解帶捨走曰我不欲見此禿頭沙門護喜便捉其頭牽曰爲一過共見佛去來佛語舍利弗爾時波羅柰國俗諱捉人頭捉頭者法皆斬刑火鬘代其驚怖心念曰此瓦師子分死捉我頭耶護喜語火鬘曰爾我死終不相置要當使卿見佛火鬘心念此非小事必當有好事耳乃使此人分死相捉火鬘曰放我頭我隨子去耳護喜卽放火鬘便還結頭著衣服卽相隨共詣迦葉佛所護喜禮迦葉如來足於一面坐火鬘直立舉手問訊而已便坐一面護喜又手白迦葉佛言此火鬘者多狩邑中太史之

予是我少小親友然其不識三尊不信三寶不見佛不聞法不供養衆僧願世尊開化愚冥使其信解火鬘童子熟視世尊從頭至足從足至頭覩佛相好威容巍巍諸根寂定純淑調和以三十二相嚴飾其體八十種好以爲姿媚儀如娑羅樹華身猶須彌山無能見其頂面如月滿光如日明身色如金山火鬘見佛相好已便念心曰我梵識記所載相好今佛盡有唯無二事耳火鬘於是說偈問曰

所聞三十二 大士之相好 於此人中尊
唯不覩二事 堪有丈夫體 猶如馬藏不

寧有廣長舌 覆面舐頭不 願爲吐舌示
令我決狐疑 我見乃當知 如經所載不

於是迦葉如來便出廣長舌相以覆其面上及肉髻
并覆兩耳七過舐頭縮舌入口色光出照大千世界
蔽日月明乃至阿迦膩吒天光還繞身七匝從頂上
入迦葉如來以神足力現陰馬藏令火鬘獨見餘人
不覩火鬘童子具足見佛三十二相無一缺減踴躍
歡喜不能自勝迦葉如來爲火鬘童子說法說何法
說菩薩斷功德法何等爲斷菩薩功德法身行惡口
言惡意念惡身不可行而行口不可言而言意不可

念而念云何菩薩身不可行而行者後作佛時身形
短小族姓子是爲菩薩身不可行而行報也云何菩
薩口不可言而言者後出家學時力極勤苦乃當得
佛族姓子是爲菩薩口不可言而言報云何菩薩意
不可念而念者菩薩後成佛時境內衆僧常不和合
在在處處共相是非族姓子是爲菩薩心不可念而
念報族姓子是爲菩薩三惡行對族姓子當棄是於
是火鬘童子卽退前禮佛足長跪叉手白佛言我今
懺悔身不可行而行口不可言而言意不可念而念
願世尊當受我此懺悔從今已往不復敢犯如此懺

至三迦葉如來默然受之火鬘童子護喜童子俱起稽首佛足辭退而還火鬘童子於中路思惟向三惡報便報護喜曰卿爲失利不爲得利卿爲無利不爲有利我不應見卿面不喜聞卿名護喜答曰何以故爾火蔓曰卿早從迦葉佛聞佛法寶何能在家而不作道護喜答曰卿不知我父母年老又復俱盲供養二親何由出家我亦久欲爲道耳若我出家爲道者父母便當命終以是故不得出家耳火蔓語護喜曰我從迦葉佛聞菩薩行三惡緣對不復樂在家我欲從此還至佛所求爲比丘護喜報曰善哉善哉火蔓

得思惟力耶便可時還所以然者佛世難值故也火蔓童子卽抱護喜已便繞三匝叉手謝曰我設有身口意過於卿者願見原恕若卿指授正真大道於是火蔓童子說偈讚曰

仁爲我善友 法友無所貪 導我以正道
是友佛所譽

火蔓童子於是說偈已繞護喜三匝已還詣精舍迦葉佛所稽首佛足兩膝跪地又手白佛言寧可得從迦葉如來下剃髮入道受具足戒不佛語舍利弗汝葉卽度火蔓童子爲道授其具足戒佛語舍利弗汝

知爾時火鬢童子不則我身是火鬢父者今父王真淨是爾時瓦師童子護喜者我爲太子在宮嫁女時夜半作瓶天子來謂我曰時到可出家去爲道者是舍利弗此護喜者頻勸我出家則是作道善知識也佛語舍利弗我前向護喜作惡語道迦葉佛禿頭沙門有何佛道佛道難得以是惡言故臨成阿惟三佛時六年受苦行舍利弗爾時日食一麻一米大豆小豆我如是雖受辛苦於法無益我忍饑渴寒熱風雨蚊蟲之苦身形枯燥謂呼我成佛道實無所得舍利弗我六年苦行者償先緣對畢也然後乃得阿耨三

耶三菩阿惟三佛耳於是世尊說宿緣偈曰
 我昔火鬢童 向於護喜說 髮頭何有佛
 佛道甚難得 以是因緣故 六年日不減
 受此勤苦行 望得成佛道 不以是苦行
 能得成佛道 非道而行求 因緣自纏繞
 宿緣終不朽 亦不著虛空 當護三因緣
 莫犯身口意 今我成佛道 得爲三界將
 阿耨大泉中 自說先世緣

佛語舍利弗汝觀如來衆惡已盡諸天人神鬼乾沓和阿須倫迦樓羅甄陀羅摩休勒一切衆生皆欲度

之我猶未免宿對況復愚冥未得道者舍利弗當學
護身三口四意三舍利弗當學如是佛說如來先世
因緣時萬一千天子得須陀洹道八千龍皆受五戒
五千夜又受三自歸阿耨大龍王又手白佛世尊於
我泉上受我供養說宿命因緣法使我將來成佛時
莫有如此因緣使我衆惡皆盡作真淨如來佛語阿
耨大龍王汝欲得如是願者當極護身口意不令犯
者可得如上所願衆惡消盡作真淨如來阿耨大龍
王聞佛所說踴躍歡喜以天栴檀香散佛及五百羅
漢上佛於是爲諸天龍神說安慰法何謂安慰法行
喜受行

布施法行持戒法行生天道法行斷欲法行斷三惡
道法行無漏法行清淨法佛說如是已與諸比丘各
離本華坐比丘圍繞佛踊在虛空高七多羅以神足
飛行猶鳥翔雲徐徐而還在羅閱祇竹園精舍佛說
是已舍利弗及五百羅漢阿耨大龍王八部鬼神歡
喜受行

佛說興起行經卷下

音釋

奄

於檢切

哩

頻彌切

傍

普擊切

殃

弋質切

氍

淫放也

氍

氍其俱切

氍毹

毛席也

氍毹

力

氍毹

他臘切

氍毹

都能

梗

古行切

梗

切與

稅
蚊
切
無分

福建興泉道參政烏程沈演施貲刻
佛說興滅大經卷下 計字五千三百六十七
箇該銀二兩六錢八分五厘
武林釋大能對長洲徐普書江寧羅仕貴刻
萬曆己酉歲秋七月徑山寂照庵識

長爪梵志請問經

唐三藏法師義淨奉制譯

如是我聞一時薄伽梵在王舍城鷲峯山中與大苾
芻衆千二百五十人俱并餘苾芻苾芻尼近事男近
事女國王大臣沙門婆羅門外道之類天龍藥叉人
非人等瞻仰而住爾時世尊爲說自證微妙之法所
謂初中後善文義巧妙純一圓滿清淨鮮白梵行之
相爾時有一長爪梵志來詣佛所策杖而立問云喬
答摩汝曾實作如是宣說世由自業業爲能授業爲
生處業爲親族業爲所依耶佛告婆羅門我作是說

世由自業業爲能授業爲生處業爲親族業爲所依
婆羅門問曰若如是者沙門喬答摩先作何業令汝
獲得金剛不壞堅固之身佛告婆羅門我於前生遠
離殺害有情命根由彼業力今獲斯果沙門喬答摩
先作何業令汝獲得手指纖長網縵爲相佛告婆羅
門我於前生遠離偷盜他人財物由彼業力今獲斯
果沙門喬答摩先作何業令汝獲得具足色力諸根
圓滿佛告婆羅門我於前生遠離女人欲邪行事由
彼業力今獲斯果沙門喬答摩先作何業令汝獲得
出廣長舌自覆其面佛告婆羅門我於前生遠離妄

語詭詎於人由彼業力今獲斯果沙門喬答摩先作
何業令汝獲得威儀庠序如師子行佛告婆羅門我
於前生遠離諸酒放逸之處由彼業力今獲斯果沙
門喬答摩先作何業令汝獲得微妙相好莊嚴其身
佛告婆羅門我於前生遠離歌舞倡艷之事由彼業
力今獲斯果沙門喬答摩先作何業令汝獲得上妙
香氣芬馥其身佛告婆羅門我於前生遠離香花瓔
珞莊飾由彼業力今獲斯果沙門喬答摩先作何業
令汝獲得受用金剛勝妙之座佛告婆羅門我於前
生遠離高牀大牀嬌恣之物由彼業力今獲斯果沙

門喬答摩先作何業令汝獲得四十牙齒鮮白齊平
佛告婆羅門我於前生遠離非時飲噉諸食由彼業
力今獲斯果沙門喬答摩先作何業令汝獲得頂上
肉髻圓滿姝好佛告婆羅門我於前生於三寶二師
沙門婆羅門父母尊長應恭敬處五輪著地以無慢
心虔誠致禮由彼業力今獲斯果時婆羅門見佛爲
說因果不虛白言喬答摩此名何福云何受持佛言
此名八支淨戒若能一日一夜或復長從師受持獲
果如是爾時長爪梵志既於佛所聞說八支日夜淨
戒由先遠離鄙惡業故便能獲得勝妙莊嚴深心信
受歡喜踊躍卽於佛前捨高慢心投杖于地合掌恭
敬禮佛雙足白言世尊我今始知善惡之業感報不
虛我從今日乃至盡形歸依佛陀兩足中尊乃至盡
形歸依達摩離染中尊乃至盡形歸依僧伽諸衆中
尊我受八支近住淨戒始從今時乃至明日日出已
來於其中間不害一切命不盜他財物不婬不妄語
飲酒放逸處華莊及歌舞高大非時食我今悉遠離
受持淨八支第二第三亦如是說佛告婆羅門善哉
善哉如是應作如是應持爾時世尊說是法已時婆
羅門及苾芻衆諸人天等皆大歡喜信受奉行

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

長爪梵志請問經

音釋

芬馥

芬無文切馥房六
切芬馥杏氣也

佛說譬喻經

唐三藏法師義淨奉詔譯

如是我聞一時薄伽梵在室羅筏城逝多林給孤獨園爾時世尊於大衆中告勝光王曰大王我今爲王略說譬喻諸有生死味著過患王今諦聽善思念之乃往過去於無量劫時有一人遊於曠野爲惡象所逐怖走無依見一空井傍有樹根卽尋根下潛身井中有黑白二鼠互齧樹根於井四邊有四毒蛇欲螫其人下有毒龍心畏龍蛇恐樹根斷樹有蜂窩五滴隆口樹搖蜂散下蟄斯人野火復來燒然此樹王曰

是人云何受無量苦貪彼少味爾時世尊告言大王
曠野者喻於無明長夜曠遠言彼人者喻於異生象
偷無常井喻生死險岸樹根喻命黑白二鼠以喻晝
夜齧樹根者喻念念滅其四毒蛇喻於四大蜜喻五
欲蜂喻邪思火喻老病毒龍喻死是故大王當知生
老病死甚可怖畏常應思念勿被五欲之所吞迫爾
時世尊重說頌曰

曠野無明路 人走喻凡夫 大象比無常
井喻生死岸 樹根喻於命 二鼠晝夜同
齧根念念衰 四蛇同四大 密滴喻五欲

蜂蟻比邪思 火同於老病 毒龍方死苦
智者觀斯事 急可狀生津 五欲心無著
方名解脫人 鎮處無明海 常被死生驅
寧知戀聲色 不樂離凡夫

爾時勝光大王聞佛爲說生死過患得未曾有深生
歡離合掌恭敬一心瞻仰白佛言世尊如來大慈爲
說如是微妙法義我今頂戴佛言善哉善哉大王當
如說行勿爲放逸時勝光王及諸大衆皆悉歡喜信
受奉行

佛說譬喻經

佛說比丘聽施經

東晉沙門竺曇無蘭譯

聞如是一時佛在舍衛國祇樹給孤獨園時有一比丘來到講堂諸比丘所言諸賢者今我不可經法大著睡眠不樂道行疑諸經法座中有一比丘卽行白佛有一比丘字聽施來到講堂謂諸比丘言今不可經法大著睡眠不樂道行疑諸經法佛便報言是比丘癡不守諸根門不少食不上夜後夜警順行不觀諸善法如是當那可經法離睡眠樂道行不疑諸經法聽施終不從此得是佛言比丘以不守諸根門

10 11 12 13 14 15 16 17 18 19 20 21 22 23 24 25 26 27 28 29 30

不少食不上夜後夜警順行不觀諸善法彼當那可
經法離睡眠樂道行不疑諸經法終不從此得是若
比丘守諸根門少食上夜後夜警順行觀諸善法便
可經法離睡眠樂道行不疑諸經法從是可得此佛
告比丘便呼聽施來比丘便起頭面禮而佛往呼聽
施聽施卽至佛所頭面禮佛足已就座佛便言聽施
汝所欲便說之聽施言今身不可經法大著睡眠不
樂道行疑諸經法佛謂聽施我欲問汝事隨汝所知
以事說之佛言若寧知貪色不離欲不離戀慕不離
慷慨不離愛不離以彼色別離時便生他戀憂愁悲

哀痛亂意殞歿有是無聽施言如是若干從彼有佛
言善哉善哉賢者如是應聽施佛言如彼不離若寧
知痛癢思想作行識若人貪識不離欲不離戀慕不
離慷慨不離愛不離以彼識別離時便生他戀憂愁
悲哀痛亂意殞歿有是不聽施言彼有是佛言善哉
善哉賢者如是應聽施佛言如彼不離若寧知離貪
色離欲離戀慕離慷慨離愛以彼色別離時不生他
戀憂愁悲哀痛亂意殞歿彼有是無有聽施言彼有
是佛言善哉善哉賢者如是應聽施佛言如彼離痛
癢思想生死行識若不貪識無有欲無戀慕無有慷

慨無有愛以彼識別離時不生他戀憂愁悲哀痛亂
意溫幼如是應聽施佛便告聽施我欲爲若說經法
上亦善中亦善至竟亦善具爲若現道行至竟但
諸善善好當聽之持著意中聽施言唯諾佛言曾有
二人俱出在道其一人曉道徑其一人不曉道徑不
曉道徑者便住問曉道徑者言我欲至某聚鄉郡縣
國願語我道所由曉道徑者便言汝從是道直右行
前當有兩道捨左道上右道直右行須臾前當見溪
谷溪谷上亦當復有兩道捨左道上右道直右行須
臾當見叢樹叢樹上亦當復有兩道捨左道上右道

直右行須臾稍得若所欲至聚鄉郡縣國佛言我上
頭所譬喻說當知是一切所說亦當諦觀此所說上
頭所說不曉道徑者謂世間邪道亦復謂諸所受邪
者所說上頭曉道徑者謂如來不著正覺亦復謂諸
所受正覺者所說左道者謂諸惡人三惡念一者欲
念二者亂念三者賊害念亦復謂邪見邪念邪說邪
意邪行邪方便邪志邪定亦說右道者謂三善念一
者出家念二者不亂念三者不賊害念亦復謂正見
正念正說正意正行正方便正志正定所謂兩道者
謂人所疑所說溪谷者謂瞋恚所說叢樹者謂五樂

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

一者眼樂色愛欲可以好色貪著二者耳樂聲三者
鼻樂香四者舌樂味五者身樂細軟愛欲可以好色
貪著所說聚鄉郡縣國者謂無爲德佛告聽施是諸
佛事我以悲心故說是其欲度脫者我已愍傷之今
彼是若事當以寂靜樹下空閒一處一心體行若山
澤冢間當以果蓏爲食比丘莫貪恣於世間居後悔
之是諸佛行亦諸佛教今佛已說是賢者聽施便歡
喜思惟佛所說

佛說比丘聽施經

佛說畧教誠經

唐三藏法師義淨奉制譯

如是我聞一時佛在室羅筏城逝多林給孤獨園與
無量苾芻衆俱爾時佛告諸苾芻汝等當知於我法
中有少欲知足活命之事謂我弟子剃髮染衣持鉢
巡家乞食自濟世間愚人之所輕慢若有淨信善男
子離俗出家修行此事不爲王難所逼迫故不爲賊
怖負債驚恐不存活故但爲發心於生老病死憂悲
苦惱生厭離故欲斷苦蘊煩惱纏縛盡其邊際求解
脫故汝等豈非爲此事故而求出家時諸苾芻白佛

889101234567892012345678930123456

言世尊如是如是爲解脫故而求出家汝等苾芻如
有一類罪惡苾芻雖復出家性多貪染於五欲境深
生戀著或起瞋恚生惡尋思心恒放逸不勤策勵常
多忘念不習定門攀緣諸境樂下劣事不希勝行終
無所獲此之惡人猶如何等汝諸苾芻聽說譬喻如
野田中焚死屍木兩頭俱燒中間穢汙此木不堪聚
落中人及野田人之所受用我今以此喻彼一類出
家懈怠愚癡之人棄捨俗間諸快樂事沙門義利復
不修習恒生三種不善思惟所謂思惟五欲思惟瞋
害思惟欺誑此之三種不善思惟因何而起當知皆

以無明爲因而得生起身壞命終墮三惡趣是故汝
等應勤修習除斷無明我是大師汝是弟子於我教
中要畧之事今爲汝說由大悲故由哀愍故爲利益
故爲勝樂故如我所說汝等應修若在山林蘭若樹
下或在露地汝可善思不應放逸勿於後時心生悔
恨如說修行當得解脫爾時世尊說是語已諸苾芻
衆歡喜奉行

佛說畧教誠經

佛說療痔病經

唐三藏法師義淨譯

如是我聞一時薄伽梵在王舍大城竹林園中與大苾芻衆五百人俱時有衆多苾芻身患痔病形體羸瘦痛苦縶縶於日夜中極受憂惱時具壽阿難陀見是事已詣世尊所頂禮雙足在一面立白佛言世尊今王舍城多有苾芻身患痔病形體羸瘦痛苦縶縶於日夜中極受憂惱世尊此諸病苦云何救療爾時佛告阿難陀汝可聽此療痔病經讀誦受持繫心勿忘亦於他人廣爲宣說此諸痔病悉得除殄所謂風

痔熱痔瘻痔三合痔血痔腹中痔鼻內痔齒痔舌痔
 眼痔耳痔頂痔手足痔脊背痔糞門痔偏身支節所
 生諸痔如是痔瘻悉皆乾燥墮落消滅必瘥無疑皆
 應誦持如是神呪卽說呪曰
 恒姪他 頗蘭帝 頗藍謎 室利禪 室里室里
 摩羯失質 三婆跋覩 莎訶

阿難陀於此北方有大雪山王中有大娑羅樹名曰
 難勝有三種華一者初生二者圓滿三者乾枯猶如
 彼華乾燥落時我諸苾芻所患痔病亦復如是勿復
 血出亦勿膿流永除苦痛悉皆平復卽令乾燥又復
 若常誦此經者得宿命住智能憶過去七生之事呪
 法成就莎訶又說呪曰

恒姪他 苦謎苦謎 捨苦謎 苦末泥去捨苦泥
 莎訶

佛說是經已時具壽阿難陀及諸大眾皆大歡喜信
 受奉行

佛說療痔病經

音釋

療痔

療力照切治也 療即豆切直里切後病也

瘻

漏病也

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

佛說業報差別經
隋 洋川郡守瞿曇法智譯
如是我聞一時佛住舍衛國祇樹給孤獨園爾時佛告力提邪子首迦長者言我當爲汝說善惡業報差別法門汝當聽善思念之時首迦言唯然世尊願樂欲聞佛告首迦一切衆生繫屬於業依止於業隨自業轉以是因緣有上中下差別不同或有業能令衆生得短命報或有業能令衆生得長命報或有業能令衆生得多病報或有業能令衆生得少病報或有業能令衆生得醜陋報或有業能令衆生得端正

東京大学総合図書館所蔵

10 1 2 3 4 5 6 7 8 9 10 1 2 3 4 5 6 7 8 9 10

官四

報或有業能令衆生得小威勢報或有業能令衆生
得大威勢報或有業能令衆生得下族姓報或有業
能令衆生得上族姓報或有業能令衆生得少資生
報或有業能令衆生得多資生報或有業能令衆生
得邪智報或有業能令衆生得正智報或有業能令
衆生得地獄報或有業能令衆生得畜生報或有業
能令衆生得餓鬼報或有業能令衆生得阿修羅報
或有業能令衆生得人報或有業能令衆生得欲界
天報或有業能令衆生得色界天報或有業能令衆
生得無色界天報或有業能令衆生得決定報或有

業能令衆生得不定報或有業能令衆生得邊地報
或有業能令衆生得中國報或有業能令衆生盡地
獄壽或有業能令衆生半地獄壽或有業能令衆生
轉入卽出或有業作而不集或有業集而不作或有
業亦作亦集或有業不作不集或有業能令衆生初
樂後苦或有業能令衆生初苦後樂或有業能令衆
生初苦後苦或有業能令衆生初樂後樂或有業能令
衆生貧而樂施或有業能令衆生富而慳貪或有
業能令衆生富而能施或有業能令衆生貧而慳貪
或有業能令衆生得身樂而心不樂或有業能令衆

7 8 9 10 11 12 13 14 15 16 17 18 19 20 1 2 3 4 5 6 7 8 9 30

生得心樂而身不樂或有業能令衆生得身心俱樂
或有業能令衆生得身心二俱不樂或有業能令衆
生壽命雖盡而業不盡或有業能令衆生其業雖盡
而命不盡或有業能令衆生業命俱盡或有業能令
衆生業之與命二俱不盡而能斷除一切煩惱或有
業能令衆生生於惡道形容殊妙眼目端嚴膚體光
澤人所樂見或有業能令衆生生於惡道形容醜陋
膚體麤澀人不喜見或有業能令衆生生於惡道身
口臭穢諸根殘缺或有衆生習行世間十不善業得
外惡報或有衆生習行世間十種善業得外勝報若

有衆生禮佛塔廟得十種功德奉施寶蓋得十種功
德奉施繒旛得十種功德奉施鍾鈴得十種功德奉
施衣服得十種功德奉施器皿得十種功德奉施飲
食得十種功德奉施靴履得十種功德奉施香華得
十種功德奉施燈明得十種功德恭敬合掌得十種
功德是名畧說諸業差別法門呂祖告首迦有十種業
能令衆生得短命報何等爲十一者自行殺生二者
勸他令殺三者讚歎殺法四者見殺隨喜五者於所
怨憎之人欲令喪滅六者見怨滅已心生歡喜七者
壞他胎藏八者教人毀壞九者建立天寺屠殺衆生

十者戰鬪自作教人互相殘害以是十業得短命報復有十業能令衆生得長命報何等爲十一者自不殺生二者勸他不殺三者讚歎不殺四者見他不殺心生歡喜五者見被殺者方便救免六者見死怖者安慰其心七者見恐怖者施與無畏八者見諸患苦起慈愍心九者見諸急難起大悲心十者以諸飲食惠施衆生以是十業得長命報復有十業能令衆生得多病報何等爲十一者好喜打拍一切衆生二者勸他令打三者讚歎打法四者見打歡喜五者惱亂父母令心憂惱六者惱亂賢聖七者見怨病苦心大歡喜八者見怨病愈心生不樂九者於怨病所與非治藥十者宿食因緣未消而復更噉以是十業得多病報復有十業能令衆生得少病報何等爲十一者不喜打拍一切衆生二者勸他人不令鞭杖三者讚歎不鞭打法四者見不打者心生歡喜五者供養自己父母及諸病人六者見賢聖有病患者瞻視供養七者見怨病愈心生歡喜八者見病苦者施與良藥亦勸他施九者於病苦衆生起慈愍心十者於諸飲食能自節量以是十業得少病報復有十業能令衆生得醜陋報何等爲十一者好行忿怒二者好懷嫌

恨三者誑惑於他四者惱亂衆生五者於父母所無愛敬心六者於賢聖所不生恭敬七者侵奪賢聖資生及諸田業八者於佛塔廟之所斷滅燈明九者見醜陋者毀訾輕賤十者習諸惡行以是十業得醜陋報復有十業能令衆生得端正報何等爲十一者不瞋二者施衣三者愛敬父母尊長四者尊重賢聖道德五者恒常塗飾佛塔精舍六者清淨泥塗堂宇七者平治僧伽藍地八者掃灑佛塔九者見醜陋者不生輕賤起恭敬心十者見端正者曉悟宿因知福德感以是十業得端正報復有十業能令衆生得少威

勢報何等爲十一者於諸衆生起嫉妬心二者見他得利心生惱熱三者見他失利其心歡喜四者見他得好名譽起嫉惡心五者若見他失名譽心大忻悅六者退菩提心毀佛形像七者於已父母及賢聖所無心奉侍八者唯勸人修習少威德業九者障他修行大威德業十者見少威德者心生輕賤以是十業得少威勢報復有十業能令衆生得大威勢報何等爲十一者於諸衆生心無嫉妒二者見他得利心生歡喜三者見他失利起憐愍心四者見他得好名譽心生忻悅五者見失名譽助懷憂惱六者發菩提心

8910123456789201234567893012345

造佛形像奉施寶蓋七者於已父母及賢聖所恭敬奉迎八者勸人棄捨少威德業九者勸人修行大威德業十者見無威德不生輕賤以是十業得大威勢報復有十業能令衆生得下族姓報何等爲十一者不知敬父二者不知敬母三者不知敬沙門四者不知敬婆羅門五者於諸師友尊長而不敬仰六者於諸師長不奉迎供養七者見諸尊長不迎逆請坐八者於父母所不遵教誨九者於賢聖所亦不受教十者輕慢下族以是十業得下族姓報復有十業能令衆生得上族姓報何等爲十一者善知敬父二者善

知敬母三者善知敬沙門四者善知敬婆羅門五者敬護尊長六者奉迎師長七者見諸尊長迎逆請坐八者於父母所敬受教誨九者於賢聖所尊敬受教十者不輕下族以是十業得上族姓報復有十業能令衆生得少資生報何等爲十一者自行偷盜二者勸他偷盜三者讚歎偷盜四者見盜歡喜五者於父母所減撤生業六者於賢聖所侵奪資財七者見他得利心不歡喜八者障他得利爲作留難九者見他行施無隨喜心十者見世饑饉心不憐愍而生歡喜以是十業得少資生報復有十業能令衆生得多資

7 8 9 10 11 12 13 14 15 16 17 18 19 20 21 22 23 24 25 26 27 28 29 30

生報何等爲十一者自離偷盜二者勸他不盜三者讚歎不盜四者見他不盜心生歡喜五者於父母所供奉生業六者於諸賢聖尊長給施所須七者見他得利心生歡喜八者見求利者方便佐助九者見樂施者心生悅欣十者若見世饑饉時心生憐愍以是十業得多資生報復有十業能令衆生得邪智報何等爲十一者不能諮問智慧大德沙門及婆羅門二者顯說惡法三者不能受持修習正法四者讚非定法以爲定法五者慇法不說六者親近邪智七者遠離正智八者讚歎邪見法行九者棄捨正見十者若

見愚癡惡人輕賤毀訾以是十業得邪智報復有十業能令衆生得正智報何等爲十一者善能諮問智慧聰黠沙門及婆羅門二者顯說善法三者聞持弘護正法四者見說定法歎言善哉五者樂說真正法要六者親近正智慧人七者守攝護持正法八者精勤修習多聞九者遠離邪見惡人十者見癡惡人不生輕賤以是十業得正智報復有十業能令衆生得地獄報何等爲十一者身行重惡業二者口行重惡業三者意行重惡業四者起於斷見五者起於常見六者起無因見七者起無作見八者起於無見見九

者起於邊見十者不知恩報以是十業得地獄報復有十業能令衆生得畜生報何等爲十一者身行中惡業二者口行中惡業三者意行中惡業四者從貪煩惱起諸惡業五者從瞋煩惱起諸惡業六者從癡煩惱起諸惡業七者毀罵衆生八者惱害衆生九者施不淨物十者行於邪淫以是十業得畜生報復有十業能令衆生得餓鬼報何等爲十一者身行輕惡業二者口行輕惡業三者意行輕惡業四者起於多貪五者起於惡貪六者嫉妬七者邪見八者慳惜愛著資生卽便命終九者病困因飢而亡十者惱逼枯

渴而死以是十業得餓鬼報復有十業能令衆生得阿修羅報何等爲十一者身行微惡業二者口行微惡業三者意行微惡業四者憍慢五者我慢六者增上慢七者大慢八者邪慢九者慢慢十者迴諸善根向修羅趣以是十業得阿修羅報復有十業能令衆生得人趣報何等爲十一者不殺二者不盜三者不邪婬四者不妄語五者不綺語六者不兩舌七者不惡口八者不貪九者不瞋十者不邪見於十善業缺漏不全以是十業得人趣報復有十業能令衆生得欲天報所謂勝妙具足修行增上十善復有十業能

今衆生得色天報所謂修行有漏十善與定相應復有四業能令衆生得無色天報一者過一切色想滅有對想等入於空處定二者過一切空處定入識處定三者過一切識處定入無所有處定四者過無所有處定入非想非非想處定以是四業得無色天報復有業能令衆生得決定報若人於佛法僧及持戒人所以增上心殷重布施以此善業發願迴向卽得往生是名決定報業復有業能令衆生得不定報若業非是增上勇猛心作更不修習又不發願迴向受生是名不定報業復有業能令衆生得邊地報若業

於佛法僧淨持戒人及大衆所不生增上勇猛心施以此善根願生邊地以是願故卽生邊地受淨不淨報復有業能令衆生得中國報者若作業時於佛法僧清淨持戒梵行人邊及大衆所起於殷重增上布施以是善根決定發願求生中國還得值佛及聞正法受於上妙清淨果報復有業能令衆生盡地獄壽若有衆生造地獄業已無慙無愧而不厭離心無怖畏反生歡喜又不懺悔而復更造重增惡業如提婆達多等以是業故盡地獄壽復有業能令衆生墮於地獄至半而夭不盡其壽若有衆生造地獄業積集

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

成已後生怖畏慙愧厭離懺悔棄捨非增上心以是
業故墮於地獄後追悔故地獄半天不盡其壽復有
業能令衆生墮於地獄暫入卽出若有衆生造地獄
業作已怖畏起增上信生慙愧心厭惡棄捨殷重懺
悔更不重造如阿闍世王殺父等罪暫入地獄卽得
解脫於是世尊卽說偈言

若人造重罪 作已深自責 懺悔更不造

能拔根本業

復有業作而不集若有衆生身口意等造諸惡業造
已怖畏慚愧遠離深自悔責更不重造是名作而不

集復有業集而不作若有衆生自不作業以惡心故
勸人行惡是名集而不作復有業亦作亦集若有衆
生造諸業已心無改悔而復數造亦勸他人是名亦
作亦集復有業不作不集若有衆生自不造業亦不
教他無記業等是名不作不集復有業初樂後苦若
有衆生爲人所勸歡喜行施施心不堅後還追悔以
是因緣生在人間先雖富樂後還貧苦是名先樂後
苦復有業初苦後樂若有衆生爲人勸導俛仰少施
施已歡喜心無悵悔以是因緣生在人間初時貧苦
後還富樂是名初苦後樂復有業初苦後苦若有衆

10 9 8 7 6 5 4 3 2 1 0 1 2 3 4 5 6 7 8 9 0 1 2 3 4 5 6 7 8 9 0 3 0 1 2 3 4 5 6 7 8 9 0 3 0

生離善知識無人勸導乃至不能少行惠施以是因緣生在人間初時貧苦後亦貧苦復有業初樂後樂若有衆生近善知識勸令行施便生歡喜堅修施業以是因緣生在人間初時富樂後亦富樂復有業貧而樂施若有衆生先曾行施不遇福田流轉生死在於人道以不遇福田故果報微劣隨得隨盡以習施故雖處貧窮而樂行施復有業富而慳貪若有衆生未曾布施遇善知識暫行一施值良福田以田勝故資生具足先不習故雖富而慳復有業富而能施若有衆生值善知識多修施業遇良福田以是因緣巨

富饒財而能行施復有業貧而慳貪若有衆生離善知識無人勸導不能行施以是因緣生在貧窮而復慳貪復有業能令衆生得身樂而心不樂如有福凡夫復有業能令衆生得心樂而身不樂如無福羅漢復有業能令衆生得身心俱樂如有福羅漢復有業能令衆生得身心俱不樂如無福凡夫復有業能令衆生命盡而業不盡若有衆生從地獄死還生地獄畜生餓鬼乃至人天阿修羅等亦復如是是名命盡而業不盡復有業能令衆生業盡而命不盡若有衆生樂盡受苦苦盡受樂等是名業盡而命不盡復有

業能令衆生業命俱盡若有衆生從地獄滅生於畜
生及以餓鬼乃至人天阿修羅等是名業命俱盡復
有業能令衆生業命俱不盡若有衆生盡諸煩惱所
謂須陀洹斯陀含阿那含阿羅漢等是名業命俱不
盡復有業能令衆生雖生惡道形容殊妙眼目端嚴
膚體光澤人所樂見若有衆生因欲煩惱起破戒業
以是因緣雖生惡道身體鮮潔毛色姝妍膚體光澤
人所樂見復有業能令衆生生於惡道形容醜陋膚
體麤澀人不喜見若有衆生從瞋煩惱起破戒業以
是因緣生於惡道形容醜陋膚體麤澀人不喜見復

有業能令衆生生於惡道身口臭穢諸根殘缺若有
衆生從癡煩惱起破戒業以是因緣生於惡道身口
臭穢諸根殘缺復有十業能令衆生得外惡報何等
爲十若有衆生於十不善業多修習故感諸外物悉
不具足一者其殺生業故令諸外報大地鹹鹵藥草
無力二者以盜業故感外霜雹螽蝗蟲等令世饑饉
三者邪淫業故感惡風雨及諸塵埃四者妄語業故
感生外物皆悉臭穢五者兩舌業故感外大地高下
不平山陵堆阜株杌丘坑六者惡口業故感生外報
瓦石沙礫麤澀惡物不可觸近七者綺語業故感生

外報令草木稠林枝條棘刺八者以貪業故感生外報令諸樹木菓實苦澀十者以邪見業故感生外報苗稼不實收穫渺少以是十業得外惡報復有十業得外勝報若有衆生修十善業與上相違當知卽獲十外勝報若有衆生恭敬禮拜諸佛塔廟得十種功德何等爲十一者得妙色好聲二者有所發吐言辭人皆信伏三者堂堂處衆無畏四者天人世間愛護五者具足威勢六者威勢衆生皆來親附七者常得親近諸佛菩薩八者具大福報九者命終生天十者速證

涅槃是名禮拜諸佛塔廟得十種功德若有衆生奉施寶蓋得十種功德何等爲十一者處世猶如傘蓋覆護衆生二者身心安隱離諸熱惱三者一切世間敬重無敢輕慢四者有大威勢五者常得親近諸佛菩薩大威德者以爲眷屬六者恒作轉輪聖王七者勸導恒爲上首修習善業八者具大福報九者命終生天十者速證涅槃是名奉施寶蓋得十種功德若有衆生奉施繒旛得十種功德何等爲十一者處世猶如寶幢國王大臣親友知識恭敬供養二者豪富自在具大財寶三者善名流布徧至諸方四者形貌

端嚴壽命長遠五者常於生處施行堅固六者有名稱七者有大威德八者生在上族九者身壞命終生於天上十者速證涅槃是名奉施縉旛得十種功德若有衆生奉施鐘鈴得十種功德何等爲十一者得梵音聲二者有大名聞三者自識宿命四者所有出言人皆敬受五者常有寶蓋以自莊嚴六者有妙瓔珞以爲服飾七者面貌端嚴見者歡喜八者具大福報九者命終生天十者速證涅槃是名奉施鐘鈴得十種功德若有衆生奉施衣服得十種功德何等爲十一者面目端嚴二者肌膚細滑三者塵垢不著

四者生便具足上妙衣服五者微妙卧具覆蓋其身六者具慇愧服七者見者愛敬八者具大財寶九者命終生天十者速證涅槃是名奉施衣服得十種功德若有衆生奉施器皿得十種功德何等爲十一者處世如器二者得善法津澤三者離諸渴愛四者若渴思水流泉涌出五者終不生於餓鬼道中六者得天妙器七者遠離惡友八者具大福報九者命終生天十者速證涅槃是名奉施器皿得十種功德若有衆生奉施飲食得十種功德何等爲十一者得命二者得色三者得力四者獲得安無礙辯五者得無所

8 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4 5

畏六者無諸懈怠爲衆敬仰七者衆人愛樂八者具
大福報九者命終生天十者速證涅槃是名奉施飲
食得十種功德若有衆生奉施靴履得十種功德何
等爲十一者具足妙乘二者足下安平三者足趺柔
軟四者遠涉輕捷勤健五者身無疲極六者所行之
處不爲荆棘瓦礫損壞其足七者得神通力八者具
諸給使九者命終生天十者速證涅槃是名奉施靴
履得十種功德若有衆生奉施香華得十種功德何
等爲十一者處世淨妙如華二者身無臭穢三者福
香戒香徧諸方所四者隨所生處鼻根不壞五者超

勝世間爲衆歸仰六者身常清淨香潔七者愛樂正
法受持讀誦八者具大福報九者命終生天十者速
證涅槃是名奉施香華得十種功德若有衆生奉施
燈明得十種功德何等爲十一者照世如燈二者隨
所生處肉眼不壞三者人中得於天眼四者於諸善
惡之法智慧明了五者隨處除滅大闇六者得智慧
明七者流轉世間常不入於黑暗之處八者具大福
報九者命終生天十者速證涅槃是名奉施燈明得
十種功德若有衆生恭敬合掌得十種功德何等爲
十一者得勝福報二者生於上族三者得勝妙色四

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

者得勝妙聲五者得勝妙蓋六者得勝妙辯七者得勝妙信八者得勝妙戒九者得勝妙多聞十者得勝妙智是名恭敬合掌得十種功德爾時世尊說此法已首迦長者於如來所得淨信心爾時首迦頭面禮佛作如是言我今請佛往舍婆提城到我父所力提長者家願令我父及一切衆生長夜安樂爾時世尊爲利益故嘿然受請爾時首迦聞佛所說心大歡喜頂禮而退

佛說業報差別經

音釋

盈歎盈鳥沒切心悶也蓏部果切果蓏也蓏樹曰果在地曰蓏撤直
剗除剗奴沒切心亂也剗樹曰果在地曰剗撤列
去也妹妍妹昌朱切好也剗蝗剗之戎切剗息淺切
勦鋤文切輕捷也

金壇王氏性賢施賛刻
六經同卷 計字九千五百五十箇該銀四兩
九錢六分
武林釋大能對長洲徐普書當塗劉仲文刻
萬曆庚戌歲春正月徑山寂照庵識

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

聞佛

譚濟惠

譚文忠

大藏經卷一百一十五
知書宮主持文稿
大藏經卷一百一十五
金鑒王清對質錄

佛說十二品生死經

劉宋三藏法師求那跋陀羅譯

聞如是一時佛遊舍衛祇樹給孤獨精舍爾時佛告諸比丘我爲汝說經比丘應唯然世尊願受教勅佛言人死有十二品何等十二一曰無餘死者謂羅漢無所著也二曰度於死者謂阿那含不復還也三曰有餘死者謂斯陀含往而還也四曰學度死者謂須陀洹見道迹也五曰無欺死者謂八等人也六曰歡喜死者謂行一心也七曰數數死者謂惡戒人也八曰悔死者謂凡夫也九曰橫死者謂孤獨苦也十曰

縛著死者謂畜生也十一曰燒灼死者謂地獄也十二曰飢渴死者謂餓鬼也比丘當曉知是當作是學勿爲放逸勿起姪色遠離諸橫以清淨心所未得證常令成就所以者何數數死爲甚苦悔死亦苦橫死甚劇縛著死亦劇燒灼死甚痛飢渴死亦痛如是比丘當作是學冒在閑居若處樹下學禪一心無得輕戲無得後悔是爲佛教是佛法則佛說如是比丘歡喜稽首而退

佛說十二品生死經

音釋

灼

職畧切
爇也

劇

竭戰切
艱也

佛說輪轉五道罪福報應經

劉宋三藏法師求那跋陀羅譯

聞如是一時佛在迦維羅衛國釋氏精舍與千二百五十比丘俱九月本齋一時畢竟佛從禪室出往至舍衛國祇樹給孤獨園二國之間有一大樹名拘尼類樹高百二十里枝葉方圓覆六十里其樹上子數千萬斛食之香甘其味如蜜甘果孰落人民食之衆病除愈眼目精明佛坐樹下時諸比丘取果食之佛語阿難吾觀天地萬物各有宿緣阿難卽前爲佛作禮長跪白佛言何等宿緣此諸弟子願欲聞之唯具

演說開化未聞佛告阿難善哉善哉若樂聞者心善聽佛語阿難夫人作福譬如此樹本種一核稍稍漸大收子無限人而豪貴國王長者從禮佛事三寶中來爲人大富財物無限從布施中來爲人長壽無有疾病身體強壯從持戒中來爲人端正顏色妙好輝容第一身體柔軟口氣香潔人見姿容無不歡喜視之無厭從忍辱中來爲人修習無懈怠樂爲福德從精進中來爲人安詳言行審諦從禪定中來爲人才明達解深法讚歎妙義開悟愚蒙人聞其言莫不諮詢受宣用爲珍寶從智慧中來爲人音聲清徹從歌

詠三寶中來爲人潔淨無有疾病從慈心中來阿難白佛云何爲慈佛語阿難一慈衆生如母愛子二悲世間欲令解脫道意三心常歡喜四爲能護念一切不犯是爲慈心者也佛語阿難爲人長大恭敬人故爲人短小輕慢人故爲人醜陋喜瞋恚人故生無所知不學問故爲人專愚不教人故爲人瘡痘謗毀人故爲人聾盲不喜聽受經法故爲人奴婢負債不償故爲人卑賤不禮三寶故爲人醜黑遮佛光明故生裸國中者喜輕衣捨塔寺精舍故生馬蹄國中者喜著屐佛前行故生穿胷人國中者布施作福悔惜

789012345678901234567890301234567890

心故生麐鹿麐鹿中者喜驚怖人故生墮龍中者喜調戲人故身生惡瘡治之難差者喜鞭打衆生不以理故人見歡喜者前生見人歡喜故人見不歡喜者前生見人不歡悅故遭縣官繫閉牢獄杻械其身者前世爲人籠繫衆生不從意故爲人脣缺者前世釣魚魚決口故聞好言善語心不樂聞於中兩舌亂人聽受經法者後墮耽耳狗中佛語阿難世有愚人聞說法語心不餐採後墮長耳驢馬之中慳貪獨食不共飢者食後墮餓鬼中出生爲人貧窮饑餓衣不蓋形食不供口好食自噉惡食施人後生猪狥蜣螂之

中喜劫奪人物者後墮羊中生剝其皮償其宿罪好喜殺生者後爲水上蜉蝣蟲朝生暮死好喜盜人財物者後墮奴婢牛馬之中償其宿債好喜姪他婦女者死入地獄男抱銅柱女臥鐵床從地獄出常生下處當墮雞鴨中好喜妄語傳人惡事死入地獄洋銅灌口拔出其舌以牛犁之出墮鳩梟鳩鵠鳥中人聞其鳴莫不驚怖皆言變怪咒令其死喜飲酒醉犯三十六失者死墮沸屎泥犁之中出生墮往往中後還爲人愚癡生無所知夫婦不相和順數共鬭諍更相驅遣後墮鳩鵠中貪人力者後墮象中佛語阿難州

郡令長食官爵祿或人無罪或私侵人民錄名繫縛
鞭打捶杖強逼輸送告訴無地枷械繫閉不得寬縱
後墮地獄中身受苦痛數千億歲罪畢乃出當墮水
牛中貫穿其鼻牽船挽車大杖打撲償其宿罪佛語
阿難爲人不淨從猪中來爲人慳貪不能廉潔從狗
中來爲人剛強很戾自用從羊中來爲人腥臭從魚
鼈中來爲人兇惡含毒心難解者從蝮蛇中來好喜
美食喜殺害衆生無有慈心者從豺狼狸鷹中來爲
人短命胞胎傷墮生世未幾而早命終墮在三塗數
千萬劫佛言此輩前世爲人好喜射獵焚燒山澤探

巢破卵施捕魚網殺一切衆生食其皮肉以自食歟
多短命報世世累劫無有出期慎之慎之痛不可言
佛語阿難凡作功德皆應身爲燒香福會轉經行道
不得倩人兜願若虛如倩人食豈得自飽能不饑耶
若燒香鮮潔逮薩云若香攝一切相然燈續明得三
達智無所壘礙燒香齋食讀經達嚙以爲常法布施
得福諸天接待萬惡皆却衆魔盡除無敢當者懈怠
之人安隱諧偶無精進心一朝疾病有不吉利便欲
燒香方云作福諸天未降衆魔故前競共燒觸作諸
變怪以是之故常當精進罪福隨身如影隨形植種

福者亦如尼拘類樹本種一核收子無限施一得倍
萬言不虛也佛時頌曰

賢者好布施	天神自扶持	施一得萬倍
安樂壽命長	今日大布施	其福不可量
皆當得佛道	度脫於十方	
因緣合會誰爲親	五戒十善除去瞋	
不望他許自爲親	世間榮樂如浮雲	
展轉五道如車輪	莫計壽命惜金銀	
天地尚壞何況身	奉持經戒是大珍	
勿貪財色辱悞人	三界衆生如群羊	

來去五道身壞傷	命速流水何有常
作惡甚近受罪長	泥犁地獄沸鑊湯
制心剛意離禍殃	犯罪入中痛難當
佛告阿難世人無智生死肉眼不知罪福吾以道眼 覩無數劫乃至今身罪福應報猶觀掌中瑠璃珠內 外明徹無狐疑想阿難前整衣服爲佛作禮而白佛 言演說此經當何名之佛語阿難此經名爲輪轉五 道亦名罪福報應若有善男子善女人諷誦宣傳功 德無量當見禮侍賢劫千佛奉侍供養不墮三塗八 難之處得戒定慧佛說經竟五百比丘漏盡意解七	

百比丘尼得須陀洹道八百羅漢得菩薩道諸天龍
神是時樹下清信士萬二千人清信女六千人悉履
道迹諸比丘比丘尼優婆塞優婆夷皆得阿那含道
天龍鬼神世間人民聞佛說法皆言善哉卽起作禮
遶佛三匝歡喜而去

佛說輪轉五道罪福報應經

經一卷
共字一千八百八
十七箇
計寫銀七分六厘
計刻銀六錢九分
六厘
共板三塊
計工價銀一錢二分
長洲徐大任書
句容潘守誠刻

泰和信官蕭士瑋捐資刻
佛說輪轉五道罪福報應經卷
東塔寺釋道源 同對
東湖信士戈汕 同對
崇禎壬午孟秋虞山華嚴閣識

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5

佛說五無返復經

宋居士沮渠京聲譯

聞如是一時佛在舍衛國祇樹精舍與千二百五十比丘俱時有一梵志在羅閱祇國聞舍衛人多慈孝順奉經修道供事三尊便到舍衛國見父子二人耕地毒蛇齧殺其子父故耕不視其子亦不啼哭梵志問曰此兒誰子耕者答言是我之子梵志曰是卿子者何不啼哭而耕如故其人答曰人生有死物成有敗善者有報惡者有對愁憂啼哭何所追逮設不飲食何益死者卿今入城我家在某處願過語之吾子

8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30

已死不須持二人食來梵志自念此人無返復兒死
在地情不愁憂而反索食此人不慈無有比類梵志
便行入城詣耕者家見死兒母即便語之卿兒已死
父言但持一人食來何以不念子耶兒母逆爲梵志
說譬喻言子者如客來依人止來亦不却去亦不留
此兒本我亦不喚來自來過我生死亦自去非我力
乃使進退隨其本行追命所生又語其姊卿弟已死
何不啼哭姊卽向梵志說喻言我等兄弟譬如工師
入山作林縛作大筏安置水中卒逢大風吹破筏散
隨水流去前後分張不相顧望我弟亦爾如是宿命

因緣一時共合會在一家生隨命長短生死無常合
會有離我弟命盡各自隨行無常對至隨其本行不
能相救又語死者婦卿夫已死何不啼哭婦復爲梵
志說喻言我等夫婦因緣共會須臾間已譬如飛鳥
暮栖高樹同共止宿向明早起各自飛去行求飲食
有緣則合無緣則離我等夫婦亦復如是去住進止
非我之力無常對至隨其本命不能相救又語其奴
汝大家兒死何不啼哭奴復說喻我之大家因緣合
會我如犢子隨逐大牛人殺大牛犢子在邊不能救
大牛無常之命不可得救奈何愁憂啼哭亦無所益

梵志聞之心惑目暝不識東西我聞此國人孝順奉
道供事三尊故從遠來欲得學問未有善應而見五
無返復人勞身苦心遠來至此了無所益又問行人
佛在何許欲往問之行人答曰近在祇洹精舍梵志
卽往到佛所稽首佛足作禮却坐一面愁憂低頭默
無所說佛知其意謂梵志曰何爲低頭愁憂不樂梵
志白佛言所願不果違我本心是故愁憂也佛問曰
有何所失愁憂不樂梵志白佛言我從羅閱祇國來
聞此國人孝順奉敬三尊故從遠來欲得學問旣來
到此見五無返復人是故愁憂不樂佛言何謂無返
復者梵志曰佛言我見父子二人耕地下種子死在
地父亦不愁反更索食而反向我說無常事母婦及
姊與奴都無愁憂是爲大逆無返復也佛言不然不
如卿語此之五人最有返復知命無常非愁憂所逮
往古聖不免斯患況於凡夫大啼小哭何益死者世
間俗人無數劫來流轉生死遷神不滅死而復生如
車輪轉無有休息昔死向生非憂愁所逮梵志聞之
心開意解更有憂感我聞佛說如病得愈如盲得視
如闇遇明於是梵志卽得道跡一切死亡不足啼哭
欲爲亡者請佛及僧燒香供養讀誦經典能日日作

889101234567893012345678930

禮復志心供養三寶最是爲要於是梵志稽首作禮受教而去

兒王無返復經

問答入此經
古聖不說佛
收穫器皿多
與外惜無禁
父不懲又賈
詔法玄曰
言好良父十二人耕
不耕其城

佛說五無返復經

宋居士沮渠京聲譯

爾時佛在祇樹精舍與千二百五十比丘俱時有梵志在羅閱祇國聞舍衛人多慈孝順奉經修道供事三尊便到舍衛國見父子二人耕地毒蛇齧殺其子父故耕不視其子亦不啼哭梵志問曰此兒誰子答言是我之子梵志曰是卿子者何不啼哭而耕如故其人答曰人生有死物成有敗善者有報惡者有對愁憂啼哭何所追逮設不飲食何益死者卿今入城我家在某處願過語之吾子已死不須持二人食來

梵志自念此人無返復兒死在地情不愁憂而返索食此人不慈無有比類梵志便行入城詣耕者家見死兒母即便語之卿兒已死父言但持一人食來何以不念子耶兒母逆爲梵志說譬喻言子者如客來依人止來亦不却去亦不留此兒本我亦不喚來自過我生死亦自去非我力乃使進退隨其本行追命所生又語其姊卿弟已死何不啼哭姊卽向梵志說喻言我等兄弟譬如工師入山斫材縛筏水中卒逢大風吹破筏散隨水流去前後分張不相顧望我弟亦爾如是宿命因緣一時共合會在一家生隨命

長短死亡無常合會有離我弟命盡各自隨行無常對至隨其本行不能相救又語死者婦卿夫已死何不啼哭婦復爲梵志說喻言我等夫婦因緣共會須臾間已譬如飛鳥暮栖高樹擾擾作聲向明各自飛去行求飲食有緣則合無緣則離夫婦如是無常對至隨其本命不能相救又語其奴汝大家兒死何不啼哭奴復說喻我之大家因緣合會我如犢子隨逐大牛人殺大牛犢子在邊不能救大牛無常之命不可得救奈何愁憂啼哭亦無所益梵志聞之心感目瞑不識東西聞此國人孝順奉道供事三尊故從遠

8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

當

來欲得學問未有善應而見五無返復人勞身苦心
遠來至此了無所益又問行人佛在何許欲往問之
行人答曰近在祇洹精舍梵志卽往到佛所稽首佛
足作禮却坐一面愁憂低頭默無所說佛知其意謂
梵志曰何爲低頭愁憂不樂梵志白佛言所願不果
違我本心是故愁憂也佛問曰有何所失白佛言我
從羅閱祇國來聞此國人牽順奉敬三尊故從遠來
欲得學問既來到此見五無返復人是故愁憂不樂
佛言何謂無返復者梵志白佛言見父子二人耕地
下種子死在地父亦不愁反更索食而反向我說無

常事母婦及婢與奴都無愁憂是爲大逆無返復也
佛言不然不如卿語此之五人最有返復知命無常
非愁憂所逮是故自定無有愁感世間俗人不識無
常懊惱啼哭不能自勝譬如人得熱病不自覺知恍
惚妄語良師與藥熱卽除愈不復妄語俗人愚癡愁
憂啼哭不能自解能知無常不復愁憂如熱病愈此
之五人皆得道證梵志聞之佛語卽自剋責我爲愚
惑不識道義今聞佛語如盲得目冥中見明

佛說五無返復經

泰和信官蕭士瑋捐資刻
佛說五無返復經全卷

東塔寺釋道源
東湖信士戈汕 同對

崇禎壬午孟秋虞山華嚴閣識

共經二卷	共字二千二百十
計寫銀八分九厘	八箇
計工價銀一錢六	共板四塊
長洲徐大任書	句容潘守成刻

佛說佛大僧大經

宋居士沮渠京聲譯

佛在王舍國國有富者其名曰厲金銀衆寶田地舍宅牛馬奴婢不可稱數厲年西耄絕無繼嗣其國常法人無子者死後財物皆沒入官厲壽日月諸天鬼神并九子母山樹諸神皆從請子不能致之厲自念曰人有緩急輒往自歸山樹之神靡所不至財寶銷索產業不修疾病相仍災禍首尾奴婢死亡六畜不孳俱爲妖孽鬼神導師迷惑使亂君內居云當有福而禍重至由盲吞毒謂之良藥廣有瘳損毒著喪

身吾今殺生祠祀鬼神當入地獄而望天祚豈不惑哉世有佛道高操之聖有得仙者名曰應真人真人清淨如瑠璃珠精進存想乃覩之耳奉斯道者惟守靜寘無欲無求以斯爲樂現世得安終生天上厲自念曰置吾常供養奉佛三尊奉佛一載婦遇生男厲曰奉佛獲願字曰佛大佛諸弟子謚比丘僧試復事之事未滿歲復生賢男字曰僧大厲訓二子示以聖道僧大稟性仁愛人物拳心難攀誦佛法戒親近沙門清淨知足親覩其志愛之有特親被疾著床卽呼長子涕泣誠之夫生有死萬物無常持戒者安犯戒者危其持佛戒終始無患僧大尚小仁孝清白厲以累爾辭句適竟淹忽歿故弟失所天孤無告歸數啓其兄欲作沙門其國之法兒欲求婦便佯詐云欲作沙門親懼其然早爲聘妻佛大以弟等彼僞類卽爲尋索國最賢家女字快見光華煒煒端正少雙長短肥瘦適得其中貞潔慈孝猶星中月國女賢婦靡不歡悅婦歸升堂兄會賓客九族欣然無不和樂兄於衆賓調其弟曰當今之日可作沙門乎僧大答曰大兄放吾使作沙門實我宿願悟兄者天審欲作之戲之曰可從爾志願弟心歡喜爲兄作禮卽日入山見

一沙門少端正獨處樹下前趣叉手稽首爲禮却住問曰賢者何緣行作沙門其人已得應真之道預知去來無數劫事謂僧大曰佛經說言人好姪決如火燒身如持炬火逆風而行其燄稍却不置炬者火燒其手猶鳥噙肉鷹鶴追爭鳥不置肉炎及軀命姪決如斯無不危殆吾以是故作沙門耳蜜塗利刀小兒貪甜以舌舐之有截舌之患姪決之人苟快愚心不惟其後有燒身之害譬如餓狗路得枯骨齶齦敵齶傷口缺齒適自傷毀何益於巴姪決如此百千億劫無絲髮之福而有三塗之罪吾念是故作沙門耳

譬如樹木華果茂盛行人貪之杖石過打須臾之間華損果落枝葉殘傷樹以花果自招凋喪蛾貪火色投入於燈體見燒煮將何剋獲爲姪惑者不別善惡遠賢親愚日就流冥亡國滅身死入地獄惡著罪成悔將何逮佛見之諦開示聖道吾望佛恩得覩經戒心守清白獨而無患顧示流俗乃知誤耳吾以是故作沙門也僧大聞之頓首足下長跪而白佛真上聖諸天之尊經以滅癡入我心中願去世濁履清淨道奉沙門戒以爲榮福師卽喻之沙門重戒侍師數月卽啓師云意欲入山間寂定禪息求道應真爾乃滅

患師曰獨居山中大難處也處山澤者當學星宿明
知候時常當儲侍水火麁蜜所以然者盜賊之求水
火麁蜜夜半向晨問當解之給賊所欲違其意者賊
輒殺人僧大曰諾敬奉慈教具學所命却乃入山其
兄念曰弟作沙門終不畜妻妻快見者端正無雙兄
心悅之起從快見持琴自隨作姿彈之歌姪沃之曲
煌煌鬱金生于野田過時不採恐見棄捐曼爾豐熾
華色惟新與我同歡固斯厚親年一西風孰復爾珍
快見卽覺兄欲爲亂便以歌曲答佛大曰巍巍我師
天人之尊門徒清潔謚曰沙門歎真爲聖姪爲畜倫
我受嚴戒不事二君終不姪生寧就寸分佛大作情
悲之曲委靡之辭宿心加爾故因良媒問名詣師占
相良時慘惕慘惕懼爾不來旣覩光顏我心怡怡今
不合歡豈徒費哉斯誓爲定淑女何疑快見惶灼歌
答之曰佛設禮儀尊卑有敘叔妻卽子婿伯卽父我
爲斯語兄心迷惑貪好快見其意又甚不可轉移快
見又歌夫人處世當遠二事不牽姪亂行違佛戒天
及賢者箋其自異佛大歌曰爾之容色輝輝灼然普
天美女豈有爾顏我心相悅故踰大山快見自念斯

子欲我悖狂之亂沮致大難請說身中惡露不淨爾乃却耳快見重曰仁貪我軀軀有何好頭有九骨合爲髑髏中但有腦面有七孔皆出湧滌以皮裹骨貪頭頸者皮肉相裏身有毛髮爪齒皮肌血腦骨肉腹中有心脾腎腸胃膀胱尿屎膿血寒熱足與脛連脛與股連股與尻連尻與腰連腰與脊連脊與脇連脇與頸連頸與髑髏連臂與肘連肘與肩連我如畫瓶中盈屎屎身中不淨可惡如此何可貪乎凡人所喜有說其惡心卽賤之佛大自念女念其壻何肯聽我我殺弟者爾乃隨耳佛大瞋恚卽行募求數爲賊者

見輕薄人在于酒家前與語曰寧知我家所畜六藉奴子逃作沙門今在山中賊曰識之佛大卽出金銀與之令殺奴子疾取其頭及身上衣所持法杖足下履屣皆以相還吾復重賜卿等金銀賊大喜曰從吾取足卽去入山到其弟所呼曰沙門汝疾出來其弟出曰諸君何求吾有水火麩蜜可食夜時已半賊曰不求水火麩蜜不問卿時也欲得汝頭持去之耳其弟聞之卽大惶怖涕泣而曰吾非長者諸侯子也捨俗爲道與世無爭學道日淺未獲溝港頻來不還應真六通殺吾何益賊曰來爲汝首故空復云云求哀

何益其弟自念此賊獨聞我富家謂我持寶來在此也語其賊曰欲得寶者吾兄在家字曰佛大吾與書子其弟卽曰吾今死矣由斯婦也師前誠我人與姪居如持炬火逆風而行捨之不早火將燒手如蜜塗刀如鷹追烏狗得枯骨樹之華果色爲身害深如師誠涕泣從賊乞一歲活今吾得道吾常在此相殺不晚賊曰今欲得子頭去何云一歲山居道人多得道者恣子輕舉行神足去勿復多云俘取頭去其弟重曰願莫卽殺先斷我一賊置吾前也其賊因前先斷

一賊置於其前弟遭此痛不可言天來下至道人所曰慎莫恐怖牢持汝心汝前世時入畜生中人所屠割稱賣汝肉非一世矣地獄餓鬼汝皆更之苦痛以來非適今也僧大語天一哀語我師令知吾因師示吾道死生何在天卽爲行語其師曰卿賢弟子人欲殺之涕泣求哀欲得見師師飛行到弟子所爲說經曰天地須彌尚有滅壞海有消竭七日有壞天下有風其名惟藍惟藍一起山山相搏斯風有滅況汝小軀何等比數但當念佛佛常言無常盛必有衰合會有離榮位難保身亦如之僧大便得溝港道復斷一

陞重念師誠復得頻來道賊斷左手復念師誠得不
還道賊斷右手復念師誠得應真道便不畏三惡道
也生死自在無所復畏僧大曰取樹皮來卽爲剝樹
皮與之僧大取枝以爲筆自刺身血書樹皮曰大兄
起居隨時安善二親在時以吾累兄兄不承之違廢
親教以女色故骨肉相殘違親慈教爲不孝也殘殺
人命爲不仁也殺一畜生其罪不小況殺應真吾不
中止兄自招之今吾有形可得相殺善遊寂寞徒復
相害長別努力願崇真道伸頸長二尺語其賊曰子
斷吾頭猶泥頭也勿有恐意吾恐汝等墮地獄中賊

前斷頭取身上衣杖屣及鉢持至兄所衣杖屣鉢皆
持與兄兄以金銀重謝其賊兄取弟頭爲作假形以
頭著上以衣衣之杖鉢及屣皆著其傍謂快見曰汝
壻來歸可問訊之快見大喜走至其所見閉目坐以
爲思道妻不敢呼具作美食須念道覺當飯之日中
不覺妻因前白日今已中恐過時也怪其不應牽衣
起之頭便墮地身皆分散各在一面妻卽大怖躡踊
呼曰子竟坐吾見殘賊乎哀憤呼天情裂肝心崩血
出口奄忽而死戒行清白難汙如空樹心聖範難動
如地貞淨行高難揆如天其未終時諸天咨嗟豫安

所生迎其魂靈處忉利天忍須臾之姪獲天上難盡
之榮兄入神室視婦胡爲兄見弟頭身分散狼藉其
婦吐血死在一面兄見弟妻死屍如此呼曰咄咄吾
爲逆天所作酷裂乃至於此也兄卽至賊所問其意
吾弟臨歿將有遺言乎賊曰有書以書見之書辭懇
惻讀書訖竟五內噎塞涕泣交橫吾違尊親臨亡慈
教骨肉相殘又殺應真感隔而死死入地獄王及臣
民聞其事變揮涕哽噎歎述清德殯葬其弟四輩立
塔天龍鬼神則塞空中散華燒香無不傷心其妻快
見國人葬之舉哀動國諸天下讚精進得道五戒不

虧貞生天上違佛法教不孝殘聖死入地獄燒煮苦
毒其歲難數佛便告諸弟子自斯之後重相勸勵尚
於無欲佛說經竟弟子歡喜作禮而去

佛說佛大僧大經

音釋

灼 職略切

葵也

劇 竭戟切

核

下革切

果實也

朦

謬蓬切

裸果郎

裸

郎

赤 切

撔

擣徒郎切

陀

也

麁

麁研今切

鹿子

施

子

牠

體 也

徒孫 同

同

曉

曉去羊切

蜉

蜉縛切

蝣

周切

鴟

鴟赤

皇堅 堯切

鳥 也

皆 切

豺

豺屬皆切

鶠

鶠居侯切

鵠

鵠各額切

徃

徃所唐切

嚙 倪結切

也

箋

三

卷之三

三

卷之三

方	越	切	睞	母迴切	目	擾	而沼切	惄	烏皓切	惄	呼忼切	
惄	也		暉	切	惚	呼骨切	瘳	丑鳩切	時	利切	惄	恨也
俘	也		敵	也	瘧	病除也	謐	立號也	詳	與章切	鶴	諸延切
取	芳符切	也	齒	並	齧	在詣切	齧	切	詳	詐也	鶴	鵠也
噎	也		擊	也	齊	嘗至齒也	齧	齒	齧	五巧切		
也	腎	時	噅	也	齧	切	齧	齧	齧	五結切		
也	水	忍	也	胃	穀府也	也	儲	直里切	眞	也	穀	廣切
也	藏		也	肪	敷房也	也	侍	魚切	眞	也	穀	與晃同
也	也		也	也	也	也	耀	貯也	眞	也	穀	
也	也		也	也	也	也	釋	益切	眞	也	穀	
也	也		也	也	也	也	釋	光貌切	眞	也	穀	
也	也		也	也	也	也	脾	腎部切	眞	也	穀	
也	也		也	也	也	也	腎	脾頻瀰	眞	也	穀	
也	也		也	也	也	也	尻	切土藏	眞	也	穀	
也	也		也	也	也	也	尻	苦刀切	眞	也	穀	
也	也		也	也	也	也	尻	切	眞	也	穀	

公無忘我。雖言中子，嬉喜不歸而去。
其處，謹如所告。詔中子曰：汝之終重時，慎勿出。
卿與主天土學於封君，不俟教諭，承人曲指，欲委身

卷之三

泰和信官蕭士瑋捐俸刻
佛說佛大僧大經全卷

經一卷
共字三千四百四
箇寫銀一錢三分六厘
計刻銀兩一錢九分二厘
共板五塊
計工價銀二錢
長洲徐大任書
句容潘守成
長洲李如科同刻

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 10

東谷知
大曾
大曾
恭
吉
京
都
市
新
聞
社



二三四

7 8 9 10 11 12 13 14 15 16 17 18 19 20 21 22 23 24 25 26 27 28 29 30